

叙州府志

人士

第十册

76876

1020.011.09

139

117



敘州府志卷三十三

人士一

豐豐禕彥英英雅倫倬羣穎世玉映蘭薰或則螭盤  
或則鴻軒博采耆舊徵諸見聞瑰瑋奇逸犍之瑤璠  
述人士第二十五

宜賓縣

漢任 丞

後漢書獨行李業傳時犍為任丞君業同  
郡馮信並好學博古公孫述連徵命待以高位皆託  
青盲以避世難及聞述誅皆盥洗更視曰世適平日  
即清光武聞而徵之會病卒華陽國志丞字君業犍

敘州府志卷三十三

人士

宜賓

道人長歷數王莽時託青盲公孫述時累徵不詣光  
武徵之以年老不詣卒贊曰任公開明利於居貞

祀鄉賢祠

縣志

按縣志任丞後有馮信費貽兩傳考華陽國志馮  
信廣漢郫人郫今潼川府三臺縣地費貽南安人  
南安今嘉定府屬皆是縣志俱誤作犍道人今刪

隗 相

華陽國志字叔通犍道人養母至孝母欲

食江中正江

江疑流之誤

水相冬夏汲之一朝有橫石生

正流中哀帝世察孝廉平帝世為郎贊曰叔通敦孝  
石生江汜又犍道縣治馬湖江會水通越甯有孝子





隗通爲母汲江裔水天爲出平石江中今石在馬湖  
江水經注若水至熨道縣又謂之馬湖江水有孝子  
石昔縣人有隗叔通者性至孝爲母及江裔水天爲  
出平石至江裔中今猶謂之孝子石可謂至誠發中  
而休應自天矣通志祀鄉賢祠縣志

吳順華陽國志字叔和熨道人事母至孝赤烏  
巢其門甘露降其戶察孝廉永昌太守贊曰吳生至  
孝亦感靈祉又熨道縣大姓吳隗吳順奉母赤烏巢  
其門晉書孝友傳序亦有至誠上感明祇下贊烏馴  
丹羽巢叔和之室鹿呈白羸擾幼文之廬通志

敘州府志

卷三十三

人士

二

宜賓

韓子方熨道人張貞之師貞從受易見華陽國志  
通志敘州府人物有傳據補

唐黎幹戎州人善星緯喜談辨明皇時待詔翰林  
擢諫議大夫遷京兆尹

吳審字叔禮戎州人以孝聞大中六年客京兆  
卒時人哀之並縣志

宋廖翰宜賓人少以孝聞嘗有蠻反翰與戰於馬  
鳴溪敗陷溪中流數里不没人皆異之祀鄉賢祠縣志

黃山谷文集翰辭不受祖父田宅以業其兄而自治  
生因爲戎州著姓



廖琮 翰之子嘉祐二年進士官至朝議大夫未  
五十卽致仕歸教授鄉閭多所成就縉紳高之祀鄉  
賢祠

廖有衡 字致平琮之子熙甯中進士官至朝議大  
夫家有荔枝二株實綠而味甘黃庭堅與友善號綠  
荔枝廖氏後人因稱之曰綠荔世家

並縣志

按縣志原有李文淵傳據通志選舉係富順監人  
不錄

廖及 翰孫天資魁梧性重遲不兒戲長而刻意  
問學治春秋三傳於聖人之意有所發明不以世不

敘州府志

卷三十三

人士

三

宜賓

尙而奪其業元祐中乃舉進士至禮部有司罷之而  
不愠也居父喪卒哭而哀不衰猶有思慕之色奉其  
母夫人溫清定省能用曲禮使其親安焉士有負公  
租將就杖者持金至庭曰願以此輸逋錢免廢一士  
有司義而從之士俗病者必殺牛祭非其鬼常病親  
黨皆請從俗禱焉曰不愧於天吾病將已否則天且  
劓之禱何益里中薦士應經明行修詔者上下皆以  
爲可及獨不可旣而不果薦識者以爲然年四十遂  
築南園曰吾期終於此遯於人而全於天不亦可乎  
則自號南園遯翁幽居獨樂非其所好姻家鄰室不



覲也如是數年年四十有五而卒

據山谷墓誌補

王默 山谷文集 熨道人字復之幼小執養事師趨庭問膳自有度量登治平四年進士第授什邡縣主簿調夫築洛口堰共功十萬鄰邑憂不辨默酌民言而賦功省不閱月而成遷通泉令通泉歲饑甚不待報而發廩久不雨至是而雨有千頃渠堙廢不知其始其旁短戶積歲不能入賦因民願決其源二十里注之江歲以大熟民畫像祀之熙甯中熊本察訪陝夔路薦可任提舉常平轉運使苗時中饋軍興奏默管勾文字討乞弟師還以瘴癘不能隨師者萬人

敘州府志

卷三十三

人士

四

宜賓

且棄死夷地請以運糧虛舟載之分責使臣將護醫粥以卒之存亡爲殿最所全活者十七八以軍功吏考遂改承議郎泛恩遷朝奉郎請老而歸十年乃終又山谷廖及墓誌復之學問文章爲後進師表褒善貶惡人畏愛之激濁揚清常傾一坐鄉人之爲不善者必悔曰豈可使復之聞之

李祥 山谷題跋字聖祺熨道人喜炎黃岐雷之書嗜好酸鹹與世殊絕常從軍得守國子四門助教歸而杜門家有山水奇觀教諸子讀書而宴居自從其所好不喜俗人再見輒罵絕之此孟子所謂有所



不爲者也

並據通志補

張彬 以上舍登第留張浚幕府富平之役彬以十三事諫浚不從去通判瀘州曲端之死又以書與浚明其非罪

縣志

程公許 字季與別號滄洲敘州宣化登龍里人與兄公說公碩俱登嘉定四年進士三川震動擢李壘爲制置使壘辟公許通判公事大將和彥威懷金寶以獻公許正色却之有獻議招秦鞏大姓者公許言山東覆轍未遠壘從之其後趙彥呐復行是策金搗成都大姓實爲之導始服公許先見純祐二年召對

敘州府志

卷三十三

人士

五

宜賓  
川八六

罷史嵩之起復相范鍾杜範三制皆公許爲之四年疏貨賂興繕逐諫臣開邊釁凡七事薦知名士二十九人後致仕卒贈宣奉大夫官其後所著有塵缶集內外制奏議行於世縣志宋史本傳字季與一字希穎敘州宣化人少知孝敬大母疾公許不交睫者數月病革嘗其痰沫既卒哀毀踰制嘉定四年舉進士再調縣州教授制置使崔與之大加器賞改秩知崇甯縣蠲預借免抑配人甚德之差通判簡州會金人犯閬中制置使桂如淵遁三川震動朝廷擢李壘代之辟公許通判施州行戶房公事當兵將奔潰之後公



許盡力佐之節浮費疏利源民不增賦而用自足端  
平初授大理司直遷太常博士秋祀明堂雷雨應詔  
言事遷著作郎時諫官郭磊卿以論事不報出關徐  
榮叟亦抗章引去公許奏乞還言官俾安厥位既而  
史嵩之自江上入相臺諫謝方叔王萬及磊卿相繼  
他徙公許又奏外難憑陵國勢岌若綴旒朝廷上自  
爲弗靖陽爲遷除陰奪言職此中外所以怏怏遷將  
作少監大旱應詔疏時事四條嵩之格不行徑揭黃  
榜公許謂不經鳳閣鸞臺不得爲敕朝廷出令而宰  
相擅行如此則掖垣可廢累上奏牘徑欲引去宗勉  
及參知政事游似面奏留之遷秘書少監輪對言蜀  
事十條力請外爲右正言濮斗南之所論罷尋以直  
寶謨閣知袁州請蠲和糴之半改命郡吏部總所綱  
運而厚其貲免募平民民甚便之新周敦頤祠葺張  
栻書院聘宿儒胡安之爲諸生講說杜範薦於上擢  
起居郎兼直學士院帝語之曰卿一去三年今用卿  
出自朕意是日晚命下嵩之罷起復相范鍾及範三  
制皆公許爲之兼權中書舍人公許奏今最急莫若  
疆場之事帥才不蓄一旦欲議易置茫然莫知所付  
帝稱善公許又奏曰正月侍御史劉漢弼死四月右



丞相杜範死六月右史徐元杰死漢弼之死固可疑  
範之死人言已籍籍然漢弼類風淫末疾範亦尪弱  
多病諉曰天命猶可也元杰氣體魁碩神采嚴毅議  
論英發甫聞謁告奄至暴亡口鼻四體變異之狀使  
人爲之雪涕不已當於朝紳中選公正明決無所顧  
忌者專蒞其事盡情研究務使得實集議朝堂分別  
首從必誅無赦疏入不報鄭清之以少保奏祠侍講  
幄中批復其子士昌官職與內祠且許侍養行在所  
蓋士昌嘗以詔獄追逮或云詐以死聞清之造闕號  
泣請於帝故有是命公許檄奏士昌罪重京都浩穰

姦宄雜糅恐其積習沈痼重爲清之累莫若且與甄  
復少慰清之內祠侍養之命宜與收寢帝密遣中貴  
人以公許疏示清之殿中侍御史章炎正言李昂英  
以論執政及府尹帝怒出二人公許力爭之清之再  
相公許屏居湖州者四年授權刑部尙書屢辭弗獲  
入對上疏貨財興繕逐諫臣開邊釁時弊七事薦知  
名士二十九人清之益不樂授藁殿中侍御史陳垓  
以劾公許尋授寶章閣學士知隆興府而公許已死  
矣遺表上帝嗟悼進龍圖閣學士致仕贈宣奉大夫  
官其後賜賻如令式公許冲澹寡欲晚年惟一僮侍



食無重味一裘至十數年不易家無羨儲敬愛親戚  
備至蜀有兵難族姻奔東南者多依公許以居所著  
有塵缶文集內外制奏議奉常擬諡掖垣繳奏金革  
講義日進故事行世附新

司馬夢求 宋史忠義本傳敘州人溫國公光之後  
也母程歸及門夫死誓不他適旌其門曰節婦夢求  
其族子取以為後景定三年舉進士咸純末調江陵  
沙市監鎮沙市距城才十五里南阻蜀江北倚江陵  
地勢險固為舟車之會恃水為防德祐元年湖水忽  
涸北兵橫過中道乘南風縱火都統程文亮逆戰於

敘州府志

卷三十三

人士

八

宜賓

馬頭岸制置使高達束手不援文亮降夢求朝服望  
闕再拜自經死通志祀鄉賢祠縣志

明周均德 蜀人物志敘州人洪武中以聰明正直舉

授工部右侍郎

縣志

祀鄉賢祠

按通志人物作敘州人薦辟作富順人富順志薦  
辟門有鄉賢祠人物門俱無宜賓志俱有當是寄  
籍富順今刪宜賓薦辟一條仍留此傳

李志義 洪武時進士任刑部郎中忠厚廉平雅志  
高尚致仕歸累徵不起祀鄉賢祠

牟倫 字秉常永樂乙未進士任御史以直諫謫



戊甘肅曾憫敘衛軍每苦遠調奏免之又立鄉社以  
作育後學郡人皆深德之祀鄉賢祠縣志按通志人物  
別出牟秉常傳誤

梁承宗 永樂乙未進士歷山東監察御史秉公執  
法以親老乞歸優詔許之祀鄉賢祠並縣志

李從智 舊通志宜賓人進士永樂中任大理寺評  
事讞獄無冤升知蘇州府以廉能著後謝病歸屢徵  
不起明史況鍾傳鍾之後李從智相繼知蘇州咸奉  
敕事江南通志正統十年知蘇州府郡多淫祀家署  
小廟於門從智出行見之一日毀去通志

敘州府志

卷三十三

人士

九

宜賓  
川上川

陳 義 永樂時舉人正統十四年知廣東雷州府  
遂溪縣知縣律已廉潔寬以愛民五年超擢廣西太  
平府知府厥後馬良在任極其貪殘民歌曰陳義再  
生天有眼馬良不死地無皮見廣東名宦志

李 瑛 字仲玉成化二年知廣東德慶州慈愛寬  
平時方興師儲峙軍餉民賴無擾以老疾辭都御史  
韓雍嘉之給舟車費見廣東名宦志

何永川 幼習書算大司徒夏原吉見而器重之薦  
爲本部主事歷襄陽九江知府所至有聲

吳道宏 景泰時進士任南京大理寺卿居諫垣因



星變上言詞甚直切後總制三邊招撫流移民賴以

安祀鄉賢祠

縣志

一統志宜賓人成化中以大理少

卿撫治鄖陽綏輯流移加意安撫

李居廣 景泰時舉人任貴州都勻府教授學問淵

博勤於訓誨士多興起見貴州名宦志

劉武臣 宏治癸丑進士正德二年任貴州鎮遠府

知府愛民不擾政暇親課諸生去後立祠以祀之見

貴州名宦志

楊廷用 宏治中舉人任應天府治中素行端嚴剛

介不屈平居孝友友人于忠母死不能殯捐金助之

敘州府志卷三十三

人士

十

宜賓

鄉人服其敦義入忠義祠

陳 卿 宏治乙丑進士性孝友學問淵洽歷官都

御史以公直聞進兵部侍郎乞休歸嚴家訓撫孤貧

鄉評頌之

陳 輔 宏治壬戌進士歷刑部郎中剛介不屈執

法明允以勘戚畹事忤旨就逮後上知其直擢荆襄

兵備乞休歸田為朝野所重祀鄉賢祠

並縣志

李 夔 本雄子早歲習學苦家貧勤儉治生絕無

伎求居室既振每以驕逸為戒事親孝能得其歡心

於幼弟極友愛性好拯人之急閭族鄉黨不能婚葬



者輒捐金帛周之年四十八卒子文續仕至雲南右

參政另有傳節樊垣墓誌補

陳常 宏治舉人正德中任陝西興平令稟性正

直賦役均平邑人德之見陝西名宦志縣志

王教 江南通志字誕敷宜賓人正德中守常州

仁廉豈弟值兵荒游至賑貸城守皆精慮給之據通志補

周惠 正德丁丑進士嘉靖初任刑曹決獄明允

歷官雲南按察使温厚純謹政績著聞親老辭歸遂

不出鄉評重之祀鄉賢祠

卞偉 嘉靖己丑進士任御史巡按陝西豪右斂

敘州府志 卷三十三

人士

士

宜賓

手擢雲南副使威信遠孚士酋懾服事繼母尤能盡

孝祀鄉賢祠

郝維嶽 嘉靖己丑進士居鄉謙讓家教端嚴歷任

福建按察招平劇盜擢雲南布政使民有青天之頌

仕終都御史雲南巡撫

周爻 嘉靖甲辰進士仕至潼關兵備以清德著

陝人思之

樊垣 號松坪嘉靖癸丑進士授句容令愛民如

子有清官第一之號句容無城適有海寇垣集民築

城掘地得石鐮曰數百年垣作垣人皆異之以卓異



陞戶部調刑曹郎立朝有聲出守湖廣常德未幾以養親致仕年甫四十薦章數上堅辭不出卒年七十

四諸子鬻產以葬尹伸立傳並縣志

邑人尹伸撰樊垣傳先生名垣字伯師別號松坪居士其先楚之麻城人徙宜賓之

宣化而蕃及公乃貴性剛特長不過三尺而音吐如鐘談傾四座兒時讀書一日成誦年二十四登鄉書數百金大學士李公方秉政邑中豪日梗令而窟於李公奏記數之李驚怖其言而豪遂戢時上頗嚮神仙遣羽人祠三茅君大瑞輔行意氣兇甚左右請以三百金為壽公拂然曰金從天雨耶吾不能以赤子膏血飽若輩之腹璫失意去無何島夷犯江左邑無城郭無援師人情媼騷公下令版築不數日而萬鍾立具隨部署曹偶畫地督之並敕守如所畫徒有掘土得碣者其文曰數百年後垣作垣蓋其識也公既定死守之策戒民無輕動巨室某者王尚書弟也謀

敘州府志

卷三十三

人士

士

宜賓

欲逾城遁公納之園土會縉紳長老議宜從便宜罰穀千石佐縣官之急城賴以完胡廬山為邑學博公兄弟事之乙卯入計例有公費公罷之入都問遺幪頭便面而已丙辰稍遷南戶部忌者中以他事賴大司農黃公光昇營救得無恙已而贈公計至哀毀逾禮甲子除刑曹郎戊辰出守常德鑠工有承官蠲者漏於盜所司責償較甚聞工鬻女為之惻然稍懲其不愆而保其女無他竟選一貧士妻之後以貢仕始終一之議省舊制十之五即今所通行條鞭法也盜魁方李輩日探赤白丸為號公召一尉授以方畧往下之尉有難色公曰若第往無慮但云郡守開汝生路如此則生否即死尉如其言諭賊賊解散監司某偶遲延接即拂袖不出貴人某怒某丞欲鞭之公請不人春秋高遂以病免歸年纔四十色養若干年宜人享年九十有五終公之世薦章滿公車不屑也公生平無他嗜好讀書之外微喜飲酒長吏非造函丈不得一見絕不以片牘謁公府藏書數千卷皆有手跡尤嗜莊騷文選常口誦以授諸子每讀史得忠孝節



義之事為之掀髯擊節聲達比閭所著詩文多秘之  
積中惟庠士高等時從問奇字伸謬與焉里中科第  
若干人皆出門下甲午歲儉村民多相翔為盜某甲  
獨否公遺穀十石給之戒勿作賊聊用相旌幸與他  
人子毋為官司憂也自是人目為王彥方云癸丑足  
疾月餘忽謂諸子曰我心目中無他事惟慕古人名  
試從某卷第幾葉覓之簡視果爾未  
幾正襟而卒諸子鬻產襄事○新附

胡嘉賓 湖南通志宜賓監生嘉靖間新化主簿持

政廉平署印瀏陽醫所乘馬而歸

劉季體 一統志宜賓人萬厯中知竟陵縣歲饑

捐俸三百緡代充逋賦襄郢水漲大瑞欲曲防以害

其縣季體毅然爭之遂罷歸並據按選舉作劉繼禮

李文續 字紹庭嘉靖己未進士巡按湖廣監察御

敘州府志

卷三十三

人士

三

宜賓

史歷陞河南布政使清直有聲稱天下清官第一祀

鄉賢祠

牟道行撰李文續行狀

公諱文續字紹庭少孤教育於叔為諸生時宏才博學制

行端方年十七領乙卯鄉薦己未成進士由中書舍

人補巡城兵馬司選監察御史方正不阿權要憚之

巡按山東以直聲著再巡按湖廣里人有為屬員者

盛陳供帳公彈章首黜之補提刑浙江按察使值錢

塘堤潰潮沙洶湧居民失業公肅衣冠拜潮日某提

刑若枉法寃無辜惟波臣震怒予一人以示譴倘無

失德伏冀河伯各安其位體上帝好生之仁潮汐隨

退公止於堤之福慶寺恤工屬眾三月而堤工竣民

賴以安時公年三十尚艱嗣一日夢寺之首座羅漢

與公語天曉官衙傳生子體貌宛肖因以慶漢名明

年遷雲南左布政使蒞藩五載一切常規悉裁之時

宰某有使至滇採買宛爾錫滇撫召公計欲於常例

庫銀動萬金復之公曰庫藏纖毫皆國儲非關國計

民生不敢用且彼以錫求吾以金應如清議何竟以



錫報是歲論資俸公應開府乃左遷河南右布政使  
尊以衰老罷而公年方四十八海內惜之文獻通考  
錄公名臣奏疏二通其立朝大節可概見矣歸田二  
十餘載清修益厲非水旱災傷不通隻字於當事卒  
之日遠近哀之入名  
宦鄉賢奉祀○新附

按縣志原有郭成傳已詳珙縣人士不重錄

伍文煥 字象明萬曆丙戌進士歷戶科給事上

欲易儲同鄒元標累疏力爭被謫光宗即位加太僕

卿起用尋卒縣志按通志選舉作富順人人物作宜賓

人富順志無傳

李春先 號梅石萬曆間舉人任同知毅然曰何乃

久於俗吏乎辭歸里以文章意氣自負所著詩文士

敘州府志 卷三十三

人士

十四

宜賓

類咸嘉之父仕華隆慶進士任陝西三原令孫爾農

歲貢任學博慷慨仗義然諾不苟

柳方陽 萬曆舉人任雲南新興州愛民課士勦捕

夷賊民立祠以祀見雲南通志並縣志按通志別出楊

方陽傳誤縣志原作楊方陽今更正

周庭瑚 湖南通志宜賓舉人崇禎中知湘鄉縣豪

猾侵隱為小民累凡輸稅者令人衙自兌置囊竈於

儀門外遠來者無歇保之苦時以徵收南糧不及額

被劾帶罪徵補而新令已至庭瑚白板從事民感其

德不期年課足上官奏罷新令復令庭瑚視事崇禎



十六年九月流賊陷城赴沅州請救土團擅殺人庭

瑚奉檄諭解不勞而定

據通志補

尹伸 字子求萬曆戊戌進士初授推官後知陝西西安府復爲提學天啟中舉邊才以參政監軍從貴撫王三善進討水西料敵制勝具有成算歷河南左布政進太常寺卿致仕歸以節義文章自負工書翰尤長於詩有自偏東遊等集張獻忠欲生致之不屈昇至井研界罵愈厲賊怒殺之季子長鏡同時罵賊被殺祀鄉賢祠

縣志

明史本傳尹伸字子求宜賓人

萬曆二十六年進士授承天推官屢遷南京兵部郎

敘州府志

卷三十三

人士

五

宜賓

中西安知府陝西提學副使蘇松兵備參政公廉強直不事媼阿三任皆投劾去天啟時起故官分守貴州威清道貴陽圍解巡撫王三善將深入伸頗贊之監軍西征三善敗歿伸突圍歸坐奪官戴罪辦賊四年賊圍普安伸赴援賊解去遂移駐其地賊復來攻率參將范邦雄破走之逐北至三岔河總督蔡復一上其功免戴罪貶一秩視事崇禎五年歷河南右布政使以失禦流寇罷歸伸所至與長吏忤然待人有始終篤分義工詩善書日課楷書五百字寒暑不輟獻忠陷敘州匿山中搜得之罵不肯行賊重其名不



殺至井研罵益厲遂攢殺之福王時起太常卿伸已先死代劉時俊訟寃疏竊謂朋友五倫之一誼差後於昆弟曲禮曰父母在不許友以死然則許死亦有時矣夫死且可許豈其有寃而不一洗雪之乎臣與原任太僕寺少卿贊畫劉時俊弱冠論交長聯姻婭雖臣女不幸夭亡世俗纏綿之私已絕而相知甚真臣一點血心固未死也今時俊見彈於督撫臺省諸臣業蒙皇上遣緹騎逮治矣臣僻處山中閱邸報不備據所見三疏如鄭撫楊述中雖備列原揭而中心未信已是時俊生案他如兵科按臣兩疏俱以逆亂

爲言臣竊謂此事在國朝爲開叛以後所未有之大獄在中原爲史冊以來所未有之大變如使影響疑似遂結莫須有之局不但冠裳蒙汙士氣摧落卽國體因之損矣天下利病祖宗原不禁人以言臣獨何心而憚於一言乎夫論天下之事不過情理與勢而已叛逆者理外事也臣且不敢言理姑以人情度之謂時俊之首尾逆賊圖富貴也卽使佐賊而成公孫王孟之事終不免爲之臣爲一隅奸賊臣與爲聖明天子臣孰貴時俊身踐華途需缺且有崇廡之望舍已成之富貴不享而必以微軀膏斧鑕以闔門試獄



吏以姓名汙青史也自非病狂必不至此臣以人情度時俊而知其無是事也蘭州幅幘不當西南一大縣部下夷獠盡老弱不過三萬人蹠涔尺澤非修鱗所遊奢崇明沐猴而冠不堪位置逆寅頑冥淫虐僅辦鬪牛之力頃者倉卒發難州縣以無備自墟耳非渠有勝畧也然得一州殘一州拔一縣焚一縣卽田夫賈豎皆知其無成而謂時俊依之以自樹耶臣以賊勢度時俊而知其無是事也從來背亂之人必是陰幽沉鷲不可窺測又或詭激過情盜取聲譽時俊少年講學繩墨自馭近稍廣其方幅耳居恒傾蓋之

交心肝可以嘔出而里黨瓜葛意氣或不相下臣每與之談古今論人物往往爲人設身處地不輕抨彈至於治亂之間臣子捐生隕命之際未嘗不慷慨悲歌歔歔流涕雖口頭有機鋒而腹裏無鱗甲信人之善常有餘而逆人之惡常不足無論時俊爲令與南垣多可稱述卽專論其瑕大都一徑直傲岸之人而已古今有如此人而包禍心乎臣又以生平卜時俊而知其無是事也時俊素延攬於上海得喬一琦於瀘州得吳長齡近如遵義壯士丁文明戴來鳳焦瑞麟宋迪輩皆其所器重而物色之者也一琦烈烈自



不必言文明來鳳等並能先鋒抗賊克復郡城若長齡當狡賊方張之始立聚義兵擒斬二十四賊兩頭目與焉逆酋忿甚懸三百金購之而長齡竟以血戰死夫其所賞拔之人皆能殺賊死難而賞拔人者乃通賊乎臣又以聲氣論時俊而知其無是事也然督撫諸臣何讐於時俊而必中之以危法卽同舟偶有介介亦何事不可索瘢而必以大逆坐之也諸臣蓋亦有所據矣其所據者一則鄉人之言一則監軍之揭一則樊龍之訴詞乃其喫緊更在遣賀回答一段而臣以爲不然何也方重慶告變時俊身在成都成

都去永甯近千里去重慶亦然千里之內如資簡一帶已爲犬羊盤據其他孔道間非官兵碁布則鄉兵畫守處處稽察人人刻覈凡經過行李人則露索械則起視未有片紙不發覺者時俊卽遣書幣豈能徑達無恙耶一疏言賀奢寅一疏言賀樊龍未知孰確其偶有一誤耶其果曾兩遣耶且見其書見其答知生帖報以四十金者誰耶如謂兵與民見之時應執之以爲功如見而不執此人亦逆黨也恐渠有難以告人者矣如謂賊中人見之是時未有俘者何以得聞斯語豈鄉人惡時俊之深者預爲之而其後自不



難印證即雖云千萬人共見畢竟須一二主名乃便  
覈實即使口證有人亦必得其手書真跡乃成鐵案  
臣願皇上於此深察之也先是時俊與會城之議會  
欲親諭逆酋處分亂兵行至資內之間聞賊先聲舍  
車宵遁然猶以爲賊自重慶來不知其爲逆實也因  
遣家丁劉儉持帖往永甯宣諭儉至黃沙河爲鄉兵  
所詰及且及頸已而折其械無奸始釋之儉不得前  
遂奔投臣於山中臣得取其帖閱之首云本司有宣  
諭朝鮮領兵援遼之議欲調用該司土兵該司官聞  
之亦秣馬厲兵願行自効夫曰欲調用曰該司聞之

似從邸報中相知耳未有他往來也如曰事旣至此  
諉卸實難轉罪爲功正在今日院司諭帖屢下云云  
是帖諭亦不止時俊也是時人情猶以不反待兩酋  
旣不妨有平生往還之跡時俊急於成口舌之功又  
不知日後有交通之議倘此日之前果曾通一耗貽  
片紙則帖首寒溫應及之矣乃其所敘止於議調數  
語所云夙交得毋誤乎旣無夙交何因突然行賀乎  
臣又反復思之惟時俊有領兵援遼之議姓名始落  
夷中樊龍報兵之稟帖與時俊宣諭之一行皆根於  
此宣諭者通書之似稟報者往來之似似轉而訛訛



轉而實人言其坐此耶然時俊亦幸有宣諭兩字耳天下未有相約同叛而臨時又欲止之以爲功者亦幸中途遇賊狼狽而返耳天下未有同盟共事之人而相值又恐其害己者亦幸旋省未暖席遂北行請討耳天下未有一東一西蹤跡各不相照而可以言同謀且業與同謀而復欲仗天威以芟夷之者亦幸兩縣室廬盡付烈焰僕婢劉方采蘋等九名口盡被殺掠鄉紳遭禍獨慘耳天下未有平日好相識而反被之以慘禍者凡此皆時俊之形跡明白無可疑者也至於樊龍訴詞明是狡賊反間之常兵家用此取

勝者最多恐不足爲時俊謀逆之證臣愚於此得一間焉前云樊龍據渝之初時俊有書幣稱賀矣當龍倚陴泣訴之時正欲將一局亂謀盡推之時俊宜曰時俊始而以謀誤我旣而以行賀堅我卽訴詞中亦不應遺此要語矣而何其不然耶且投訴詞與賣米賣火藥兩事似覺相戾倘賣物在先則樊龍必德時俊不應投詞以傷其心倘投訴在先則時俊必怨樊龍不應以米藥濟其急如此重情須以登時見獲人贓爲據今鄖撫所述各揭無伊男字樣而科疏所引手書有之恐時俊之舌正長耳臣聞監軍同知越其



杰與原任御史牟志夔言時俊治別營私賣之人太峻耳不聞伊男有是事此亦人言之可據者也總之時俊心太熱氣太高眼太明自信太過功名之念太急切卽如亂鋒之始當事正自有人時俊以一鄉紳而欲掉三寸之舌戢蛇豕之氛縱使僥倖得成不知置一時文武於何地況狼心叵測甯不慮其一往不返乎爲己爲人一舉兩失此時俊之罪也自來贊畫未有能立邊功者始而上疏拜官不以自媒爲嫌旣且與督臣分途泣事致精神不貫讒間漸生以救焚拯溺之兵待餉於各有疆事之府庫欲不淹遲亦何

可得此時俊之罪也重慶孤城煩漢土兵十餘萬攻圍五閱月此所謂九仞爲山百夫一兔之時時俊投袂而往何爲乎又攜其兩子借人口實自五月初一以後城中之賊日益困城中之民日益苦時俊未到其怨分於眾人時俊旣到而積怨眾怒忽萃於贊畫之一身矣然則時俊非分功實分怨也此又時俊之罪也臣又聞參政閔夢得之言曰當逆賊倡亂時川中縉紳攜家避難其流離顛沛之景劉太僕與諸人同也旣而超三秩奉璽乘傳還里勁卒材官前呼後擁其烜赫炫耀之景則劉所獨也此於劉身上有何



纖毫受用而世人眼眶小於芥子輒乃兢兢不平或  
形之口或筆之書此近日人言之所自來乎嗟乎功  
名富貴之際亦難言矣正德甯庶人之亂新建伯王  
守仁唾手縛之而其後不免醜詆至有謂初通宸濠  
策其不勝而背之者夫以守仁勳望而猶若是矧時  
俊之有志而未究厥施者哉臣知我皇上天地日月  
之下必無遺照法官平允亦必有張釋之徐有功其  
人者所為冒死陳白惟是見聞頗真或可備廷議之  
採擇耳伏乞皇上并下臣疏於法司虛心推勘事事  
必求的據則時俊或有見天日之日臣即畢生竄斥

敘州府志

卷三十三

人士

三

宜賓

有餘榮矣新附乾隆四十一年

賜諡忠節通志

樊星煒撰尹先生補傳

公諱伸字子求其先姚安人祖某隨公會伯祖某任敘州

府別駕伯曾祖卒殯於敘某生某是為公父占籍宜  
庠遂為宜賓人尹氏三世皆葬毛鑣溪有坊曰尹氏  
佳城是也公幼聰穎於古文詞無所不讀而獨嗜莊  
生南華早受知於郡丞史公介臺弱冠中萬歷丁酉  
鄉試戊戌進士授承天府推官以試文拔識鍾伯敬  
惺於諸生中伯敬於是聲益重陞南京部員公乘間  
大肆力於古文辭精智永書法出守西安舊規有無  
礙鏹數千金以充公用一無所取凡公之狷操廉蹟  
皆此類也任關中提學試文必以馴雅高古為則浮  
靡之風為之一變遷蘇松兵備以清直聞郡丞某者  
兄方柄用婿乃茗雲新貴也公數戒之不止因其上  
致仕書遽檄退之咸云公不能容物公亦不自安投  
劾去買田越溪山中陳太史無盟余別駕崑吾咸移  
家相就為終焉之計會辛酉蘭變起人心洶洶郡城  
時無正官居守者為不通判陶公明通倉猝迎公入城  
商禦寇事籍民為兵不數日樓櫓戈鋌火攻之屬悉



備於時上自嘉陽下自瀘渝為賊殘破州縣凡四十  
有七而敘城獨全迨蘭平而黔事又孔亟矣當事需  
才急起公以威清道監軍佐中丞王公三善辦黔事  
貴陽圍解王公遂欲乘戰勝之氣掃穴犁庭公規以  
彝箚險阻勿輕進不聽遂有大方之失踵其不能大創而  
宗龍傳公議論與公愈相抵牾嗣後竟不能大創而  
草草以撫事結局矣時公當內轉以時無居中推挽  
者又以公道不可掩遷河南左轄任事未幾以失機  
代帥臣受過論閒住公喜放舟南下抵建康湖姑蘇  
倚寓西陵搜奇訪友唱和吳越之間再歲始達里中  
倏然自得時同高僧石如文學楊君茂峨胡君偉然  
輩登山臨水飲酒賦詩所著自偏堂集東遊草贈炙  
人口楷書行草得其片紙皆寶之先是公在南都遇  
異人彭先生一夕與對坐適有持友人書至者方索  
燭閱之先生曰姑示我即折緘朗誦燭至一字不差  
公晚年出入二氏之間常閉關四十九日又嘗手寫  
金剛楞嚴二經而終寓以詩曰仙人吾不屑况乃說  
桃源公於此似有所悟矣獻賊陷蜀人勸之遠避不  
聽曰吾自有主張也後被執至榮縣地方賊帥馮雙  
禮設席觴之公大罵蹴其席雙禮怒遂遇害季子長  
宜賓

敘州府志

卷三十三

人士

三

宜賓

鏡見殺公大罵並殺之逾旬家人收公骸又輓忠介  
骨面貌如生皆驚異之或曰公未嘗死也

公子求先師詩

天地有正氣儒者代相承綱常賴以  
立名教賴以伸優游際盛遇豈不願

榮名時窮節乃著就義甯舍身吁嗟我夫子當代比  
祥麟風流與文藻牛耳夙司盟即其染翰餘寸楮皆  
寶珍顧此何足重所重在當仁賦性實耿介立身秋  
水清豎功不滿足志學術純乎純謂世盡混濁那能隨  
笑嘖以此投世法自應遭遘連脫屣簪蓋場歸來越  
溪濱詩酒閒日月十年我輩親同人楊子昆仲及  
胡生四座無虛日雄辨聲訇訇最後子小子偃僕執  
一經明鏡無疲照師色閭閻或時經山水挾旬忘  
雨晴乃其稱快意往往在花晨中原自戰馬棘道自  
繇庚非暗怡堂識地僻罕經兵胡為甲申歲大命奪  
神京四方隨瓦解九州盡沸羹巴子古天嶮摧之抵  
枯莖錦城如錦繡化作灰與塵傷哉我梓里風俗近  
麗純一朝惡氛至殺氣慘原城維山有崔嵬夫子可  
以輪維水有懸槿夫子可以津策何不出此金玉委  
羶腥我聞被執初蟻目重生平甘言徒孔疚詎足搖  
堅貞更憐弱男鏡相依日有旬交口齊罵賊駢首飲



鶚折天光為慘淡眾口不敢噴抱此十餘年血老幾  
青燐幽光未大賁天聽難瑣陳哭之淚已枯藏之恐  
失真援筆追遑事言辭愧次倫天道甯終默干  
秋有汗青採風如採實護焉起精靈○新附

王應蛟 字斗墟邑諸生以孝行著崇禎二年遇旱  
捐穀於大覺寺賑飢鄉人德之

梁應奎 萬厯壬子舉人任獲嘉令以漕運解組居  
家教子為流賊所執大罵曰吾家世受國恩雖居林  
下惟死義耳賊怒殺之妻妾諸子皆遇害惟一幼子  
名為功幸免

李 縉 天啟辛酉奢酋叛縉為千總領兵堵禦敗  
賊於慶符之小蒜壩陞遊擊後與賊戰於金鷺池陣

亡撫巡朱燮元題奏賜世襲敘南衛百戶入忠義祠  
劉之綸 字與鷗天啟壬戌進士選庶常崇禎時以  
言事超擢兵部侍郎上表出師會戰將北左右度不  
支請遁綸曰惟一死以報君恩耳身中流矢卒詔贈  
兵部尚書賜祭錄其子祀鄉賢祠縣志明史本傳字元  
誠宜賓人天啟初舉鄉試奢崇禎明反以策干監司扼  
賊歸路監司不能用崇禎元年第進士改庶吉士與  
同館金聲及所客申甫相與為友造軍輪火車偏廂  
車獸車剝木為西洋大小礮不費司農錢明年冬京  
師戒嚴聲上書得召見薦之綸及甫帝立召之之綸



言兵了了口辨帝大悅授南京營副總兵改聲御史授之綸兵部右侍郎副尙書閔夢得協理京營戎政初正月元日有黑氣起東北亘西方甫見之大驚趨語之綸聲曰天變如此汝知之乎今年當喋血京城下可畏也聞者笑之及冬十一月

大清兵薄都城自北而西都人從城上望之如雲馳風須臾已過還至蘆溝殺甫一軍七千餘人之綸曰元日之言驗矣請行無兵請京營兵不許請關外川兵不許議召募得萬人遂行抵通州時永平已陷天大雨雪之綸奏軍機七上不報明年正月率兵入路進攻

敘州府志

卷三十三

人士

五

宜賓

遵化距八里娘娘山而營

大清兵自永平趨三屯營望見縱擊之左右請結陣徐退叱曰毋多言吾受國恩吾死耳嚴鼓再戰流矢四集解所佩印付家人歸報天子遂死一軍皆哭拔營野戰皆死之天子嘉其忠從優卹賜一祭半葬任一子貧不能返柩請於朝給驛還久之贈尙書勝朝殉節諸臣錄乾隆四十一年

賜諡忠烈

新附

王信

一統志宜賓人崇禎中知呈貢縣土酋

普名聲叛撫鎮令信爲監軍敗績罵賊死勝朝殉節



諸臣錄雲南監軍道僉事王信罵賊死乾隆四十一年

賜諡節愍通志

樊一蘅 字我劬垣之子也萬曆己未進士精史學及程周張邵之書筮仕襄陽令有聲名入銓部人不  
敢干以私後爲甯夏巡撫歸里值流寇之亂一蘅奉  
命討賊加總督銜指揮諸將賊不敢肆年七十八卒  
祀鄉賢祠縣志明史本傳字君帶宜賓人父垣常德知  
府一蘅舉萬曆四十七年進士知安義襄陽累官吏  
部郎中請告歸崇禎三年遷榆林兵備參議流賊多

敘州府志

卷三十三

人士

三

宜賓

榆林人又久荒饑民益相挺爲盜一蘅撫創殘修戎  
備討斬申在庭馬丙貴平不沾泥累被薦遷監軍副  
使再遷右參政分巡關內總兵曹文詔敗歿羣賊迫  
西安總督洪承疇令一蘅監左光先張應昌軍連破  
賊擊走混天星賊逼漢中瑞王告急一蘅偕副將羅  
文尙往救會承疇大軍至賊乃走進按察使偕副將  
馬科賀人龍屢挫祁總管於漢中降之十二年擢右  
僉都御史代鄭崇儉巡撫甯夏被劾罷歸十六年冬  
用薦起兵部右侍郎總督川陝軍務道阻命不達順  
治元年福王立於南京復申前命時張獻忠已據全



蜀惟遵義未陷一蘅與王應熊避其地既拜命檄諸郡舊將會師大舉會巡撫馬乾復重慶松潘副將朱化龍同知詹天顏擊斬賊將王運行復龍安茂州一蘅乃起舊將甘良臣爲總統副以侯天錫屠龍合參將楊展遊擊馬應試余朝宗所攜潰卒得三萬人明年三月攻敘州應試朝宗先登展等繼至斬馘數千級僞都督張化龍走遂復其城一蘅乃犒師江上初乾復重慶賊將劉延舉走求救於獻忠獻忠命養子劉文秀攻重慶水陸並進副將曹英與參政劉麟長自遵義至與部將于大海李占春張天相等夾擊破

賊兵數萬英威名大振諸別將皆屬兵二十餘萬奉一蘅節制楊展既復敘州賊將馮雙禮來寇每戰輒敗孫可望以大眾援之隔江持一月糧盡一蘅退屯古藺州展退屯江津賊退截朱化龍及僉事蔡肱明於羊子嶺化龍率番騎數百衝賊兵賊驚潰死者滿山谷化龍以軍孤還守舊地他將復連敗賊於摩泥滴水一蘅乃命展應試取嘉定邛眉故總兵官賈連登及其中軍楊維棟取資簡天錫高明佐取瀘州占春大海守忠涪其他據城邑奉征調者洪雅則曹勛及監軍副使范文光松茂則監軍僉事詹天顏夔萬



則譚宏譚詣一蘅乃移駐納溪居中調度與督師應熊會瀘州檄諸路刻期並進獻忠頗懼盡屠境內民沈金銀江中大焚宮室火連月不滅將棄成都走川北明年春展盡取上川南地屯嘉定與鄖等相援而應熊及王祥在遵義乾英在重慶皆宿重兵賊勢日蹙惟保甯順慶爲賊將劉進忠所守進忠又數敗獻忠怒遣孫可望劉文秀王尙禮狄三品王復臣等攻南川郡縣應熊一蘅急令展天錫龍應試及顧存志莫宗文張登貴連營犄爲敘州以應之賊連戰不利英祥乘間趨成都獻忠立召可望等還又聞

敘州府志

卷三十三

人士

天

宜賓

大清兵入蜀境劉進忠降大懼七月棄成都走順慶尋入西充之鳳凰山至十二月

大清兵奄至射殺獻忠賊降及敗死者二三十萬可望等率殘卒南奔驟至重慶英出不意戰敗死於江賊遂陷綦江應熊避之畢節衛踰月賊陷遵義入貴州

大清兵追至重慶巡撫乾敗死遂入遵義以餉乏旋師王祥等復取保甯二郡一蘅再駐江上爲收復全蜀計乃列上善後事宜及諸將功狀於永明王拜一蘅戶兵二部尙書加太子太傅祥展天錫等進爵有差時應熊已卒而宗室朱容藩故偏沅巡撫李乾德並以



總制至楊喬然江爾文以巡撫至各自署置官多於民諸將袁韜據重慶于大海據雲陽李占春據涪州譚詣據巫山譚文據萬縣譚宏據天字城侯天錫據永甯馬應試據蘆衛王祥據遵義楊展據嘉定朱化龍曹勛仍據故地搖黃諸家據夔州夾江兩岸而李自成餘孽李赤心等十三家亦在建始縣一衛令不行保敘州一郡而已順治五年容藩自稱楚世子建行臺夔州稱制封拜時喬然已進總督而范文光詹天顏巡撫川南北呂大器以大學士來督師皆惡容藩謀誅之六年春容藩遂爲占春所敗走死雲陽初

展與祥有隙遣子璟新攻之新先襲殺應試與祥戰敗歸乾德利展富說韜大定殺展分其資一衛誚乾德諸將亦皆憤有離心秋九月孫可望遣白文選攻殺祥降其眾二十餘萬盡得遵義重慶一衛益孤七年秋可望又使劉文秀大敗武大定兵長驅至嘉定大定韜皆降乾德投水死文秀兵復東譚宏譚詣譚文盡降占春大海降於

大清明年正月文秀還雲南留文選守嘉定劉鎮國守雅州三月

大清兵南征文選鎮國挾曹勛走文光天顏化龍相繼死



一藪時已謝世避山中至九月亦遘疾死文武將吏

盡亡附新

祭關帝文 嗚呼古今不朽之理在天為日月在地為

此不朽之心死必精靈不散必享祀人間必有所以

示其靈爽以與人相依而其廟貌之隆替亦與其靈

爽相肖故凡人神相依皆在人人心凡神之精靈獨聚

千餘年故事如一日者惟尊神獨耳尊神之功勳義

氣在漢末三國其力扶漢鼎不與漢賊共天日之心

帝憤賊之不兩立而痛罵吳人可知也今賊禍極矣

蜀人尊神所力扶之地也所輔之先主廟貌在蜀藏

龍髯劍履之地在蜀今賊獻壞蜀之宗廟而辱及前

世帝王衣冠禮樂之舊何恥如之神之言曰日星在

天之上心在人之心此語千載不昧神之廟食千古

以此矣今為神誕辰某有剿賊恢復之責諸將縮躬

而不進兵心驕蹇而不一以致賊授首懸街之期尚

未可卜此某之罪而亦神之羞也某是用因是日敢

敘州府志

卷三十三

人士

三

宜賓

率諸將吏潔性修醴以盡事神之萬一神其陰誅賊

魄明鼓我將士之心誅此賊於蜀使不得久腥穢昭

烈衣冠禮樂之地所以報昭烈也 樊星煒撰行狀 諱

一藪字君帶又字我劬號杜臬先世江西進賢人洪

武初徙楚之麻城復自麻城徙蜀之宜賓傳八世至

才良號西楚是為公王父敦本好學以公貴累贈資

政大夫太子太傅戶部尚書生二子長曰垣號松坪

嘉靖癸丑進士常德府知府累贈同西楚公是為公

父次諱翰弱冠中嘉靖乙卯科亞元早卒是為公嗣

業不屑括帙博極羣書尤長於史鉤宏貫穿若數計

燭照宿學專家不能過也其為文汪洋浩瀚如大海

對人言輒以天下為己任松坪公每裁之公自信彌

篤也松坪公卒毀戚盡禮遺命以公嗣季父故竹坪

公亦得贈如公官中萬歷壬子鄉試已未登進士歷

安義新建襄陽三邑令皆有惠政天啟甲子分校楚

闡得士最多如楊鶚黎慶永後皆至大僚有聞於時

丙寅陞禮部祠祭司主事崇禎元年調吏部四命至



敘州府志

卷三十三

人士

三

宜賓

稽勳郎中修潔廉慎苞苴無敢到其門者其為考功  
 時有同鄉入京候選以桑落酒二餅贊公以為受之  
 無嫌至夕取酒飲掌酒者以腹疼告促之再旁有侍  
 僮知不能隱曰某官所餽實非酒乃鏹耳公駭然喚  
 其使斥之曰我若置以法汝主豈得官本司自有公道  
 難保矣今攜回仍諭語其主應得官本司自有公道  
 此外莫妄覲也其嚴而恕如此公明於知人且官至  
 稽勳郎行當掌選事而同僚深忌之以為不便於已  
 會延綬以流寇聞兪謂公平時好言經濟遂以參議  
 兼僉事兵備榆林公時在籍慨然曰士豈必以銓政  
 顯哉為天子保障制一方命亦何不可即單騎赴任  
 時三年八月也公到任嚴武備勤招撫未幾神一坤  
 死餘眾隨亦解散四年歲復大旱饑民所在蠶起其  
 黨自相名目有老回八大王闖王蝎子快不粘泥  
 點燭子過天星等名而遍地皆賊矣朝議以洪公承  
 疇總制三邊以公與道臣張福增武又文張兆經等  
 監軍公言於洪曰自國家減兵餉以益遼而汰兵糾  
 饑民以倡亂自朝議裁驛傳之工食以充別用而窮  
 民合潰卒以焚掠為營生為今計惟請大餉數十萬  
 以資我師之騰飽發賑濟以止饑民之流亡二者兼  
 濟然後撫剿可次第舉也洪然之疏請得允一時鎮  
 將左光先曹變蛟祖大弼賀仁龍輩往日之驕蹇不  
 振者始踊躍有敵愾之心矣故自五年至六年中  
 其始平郝安甯也則公用旗鼓起春入賊營以計  
 破之次平不粘泥點燭子也則合曹祖諸將環三水  
 而大創之平中星斗過天星於鳳翔也則又督左賀  
 諸營以衝擊之平獨行狼蝎子快於畧陽也則公秘  
 授諸將甯可學計假招降而殺之公又隨督大軍壓  
 壘而降其眾他若老回回之盤踞寶雞餘黨之剽掠  
 咸涇富鳳等處再合諸路分道進剿之賊始披靡奔  
 投涇河淹死畧盡而全陝遂奏蕩平適公九載考滿  
 疏上遂以分守關南參政遷兪都御史巡撫甯夏是  
 時河西李賊以白蓮教聚眾十萬設官命將將萌不  
 軌道將黃恪斯桂香詳報其事公到部隨削平之餘  
 黨悉解又週眎邊城以花馬池為三邊要害舊奔某  
 者老而庸恃有奧援久尸其地公以部將甯可學會  
 有功於秦易之由此與南科齟齬公念太淑人老矣  
 昔人不以三公易一日者吾何以節鉞為因請告得  
 允庚辰三月公抵里適太淑人初度時年九十有一  
 矣公偕伯仲綵服稱觴笙鼓滿堂凡仕於其地者皆



敘州府志

卷三十三

人士

三

宜賓

趨賀於門親友之祝頌亦百什人衣冠楚楚郡人榮  
 之明年太淑人卒公時閉戶讀禮不念及世事矣然  
 秦中自公去後李自成復闢入僭號勢燎原不可遏  
 上復思公十六年癸未以廷臣薦起兵部侍郎兼副  
 都御史總督川陝時張獻忠亦據有荆襄朝命竟不  
 得達甲申三月獻忠破夔門六月陷重慶公聞報愀  
 然謂渝城重地與成都相表裏無渝則無蜀矣吾不  
 能久留此遂攜家行八月抵遵義會廷臣起舊輔王  
 公應熊為川湖雲貴督師公總督川陝救印亦至始  
 知自承成陷燕懷宗殉國難福王立於金陵公既任  
 事盡出行囊復從人貨數千金招募丁壯造置衣甲  
 器械旗幟等俄成成都陷公隨檄東南未經賊破地方  
 舊甯起舊將期以冬杪會師明年春大舉十二月公至  
 永甯起舊將甘良臣為總統副以侯天錫屠龍會參  
 將楊展遊擊馬應試余朝宗率潰卒至合之得兵三  
 萬人乙酉三月克復敘城余朝宗馬應試先登大軍  
 繼至斬賊數千級獲其偽都督張化龍印燹化龍僅  
 以身免公親至江上犒師更檄王祥曾英高明佐等  
 能當其鋒者聞化龍敗惠甚於是遣其渠魁孫可望  
 率精銳十萬人與公據江而陣相持者一月會軍中  
 糧盡諸將請曰賊新來氣銳不若暫退就餉以老其  
 師公許之賊不敵進九月我師敗賊於摩泥又敗之於  
 滴水賊遂潰斬獲萬計擒其偽都督一人軍聲大振  
 是役也黔將羅汝成即皮熊功最多公遂乘破竹之  
 勢分布諸將楊展馬應試等由敘南恢復嘉定邛眉  
 賈登聯同部下中旗楊維棟王孝等由富順直達資  
 簡侯天錫高明佐恢復瀘州曾英王祥復渝李占魁  
 于大海守忠涪而此外之各據其土奉檄聽調者黎  
 雅則有曹勳監軍郎中范文光松威則有詹天顏孟  
 紹孔夔萬則有譚文譚詣八月公移駐納溪居中調  
 度而楊展一軍已直抵新津矣時督師亦視師江上  
 公與會於瀘州檄諸路刻期而進四面合圍獻賊始  
 懼盡屠境內民無遺子並棄輜重江中焚燒宮殿廬  
 室數日火光燭天一夕遁去楊展馬應試合諸路力  
 追數百里復綿州而返丁亥賊走順慶遇大清師  
 獻忠中箭死餘黨奪路奔重慶曾英不能守賊遂陷  
 渝入播公以我師前後失據且眾寡不能守賊遂陷  
 督師堅壁小水八月王祥駐遵義侯天錫駐永甯諸



路皆以捷報守將趙友燕以瀘州降同時李寇餘黨武大定呼九思亦聞風自北來歸公復駐節江上吊死扶傷分屯招集以為今所重在食賴楊鎮亦出江口所撈賊棄金累鉅萬分給兵民為耕牛籽種農器之費公始疏連年蕩賊及善後情形並列諸將功績故明永明王加公戶兵二部尚書太子太傅蔭一子錦衣衛指揮僉事楊展王祥侯天錫等皆賜爵有差是時蜀中一掌之地十羊九牧總制則朱鎔藩樞憲則李乾德矣巡撫則楊喬然添設巡撫則江爾文矣彼又各遍置私人監紀監軍督僉參遊如脫盤矣某人之屬某地五裂四分焚劫擾擾無補危亡一時楊展之兼併馬應試袁武之賺殺楊展其釀禍皆緣於此由是賊之據滇者窺明之無人而請封之說行局又一變矣於是孫可望借口於聯絡二字以苟全其身名又何夫士大夫亦借口於聯絡二字以獨抗詞正義不為少怪乎侂侂武夫之瑣瑣者乎公獨抗詞正義不為少屈可望於是殺公之心矣然猶以嘉陽尚存遵義無恙勢相犄犄追王祥一戰而身殞疆場李乾德措手莫及而投身江水事遂至莫可為已因慨然歎曰賊之緩於殺我者姑示優容也今時勢如此吾其為

敘州府志

卷三十三

人七

三

宜賓

屈子之沉淵乎遂憂憤致疾旬日卒公生萬曆丁丑壽七十有六居家孝友任國事忠愛之性始終不渝人徒見其剛大之氣足以駕馭羣材而誅暴亂不知其學問之純根柢乎濂洛薰蒸於姚江其養之者素也公自奉澹泊食無兼味而誼篤於三黨待之舉火者數十家又嘗自言束兵二十年未嘗妄殺一人故每遇坎窞而能出險晚年始學為詩時比之高達夫內江范仲閣詩人也稱其有少陵風其文集及奏疏若干卷經烽火後俱無存惟古風近體數百什篇外孫李洪震自軍中拾之今藏於其家公原配杜繼配王生一子早殤以胞姪子瓚之子曙為嗣女四皆先公卒孫曙配阮侍御公女側室張氏出有曾孫四長澤達舉康熙辛酉第一乙丑進士選翰林院庶吉士溫士次澤迥時有聲膠庠次澤達澤遜女一尚幼也

江王再咸樊太傅鐵鞭歌  
粹以杜鵑枝上三更之嘯  
血運以金牛峽中五丁之

大力孕以邛嶮嚴道之銅山鑄以捷為朱提之丹穴  
參以揚馬曠代才昇以關張萬人敵文通武達命世  
古賢豪擺撼乾坤礎日月過客休疑七寶鞭尚書自  
鑄六州鐵既不能驅除橫行十萬之紅狼又不能掃



盪首難五百之黃虎鬱鬱千秋恨不吐蒼茫誰作英雄主三峯子机上肉八大王檻中物鞭撻焉能到去卒丈夫明目張膽天地間一擊須令羣奸伏當時文武大帥者為誰誤勦誤撫誤全局奚俟朱雲斬馬刀直揮秀實朝天笏華嚴經場內閣瑪瑙坪左良玉畏賊避賊餌以蜀遂令天彭井絡間至今百萬冤魂時時猶抱鞭梢哭鐵如意趙總憲金鎖甲胡督辦從來神物肯輕投合為二祖列宗一十七朝人物殿何讓張鐵冠堪並劉鐵漢君不見銀刀圃秦會之銅椎打阿合馬天下自有真健者鞭兮鞭兮淚盈把○新附

樊一若 字君貽生平篤實言行不苟相繼居父母喪六載不入私室由選貢任學博陞瀘溪令民歌頌之任滿還家遇賊難時一若兄一蘅受命討賊賊執一若欲以牽之一若託疾齋食日夜誦孝經賊呼為善人遂得釋潛逃遠避以免於難祀鄉賢祠

敘州府志

卷三十三

人七

三

宜賓

胡棟 字壯宇萬曆丙午舉人歷官鞏昌府同知

崇禎丁丑寇警捐金修築北關敵臺又常輸餉招募

義勇有功郡人德之入忠義祠

並縣志

按縣志原有聶純昌傳已見富順志不重錄

李合宗 字同原邑諸生幼篤孝友事繼母以順稱

至其拯急救危有仗義風大司馬樊一蘅壻也為賊

所執使招一蘅合宗不從械至成都見獻忠罵不絕

口賊眾殺之南門橋合宗有女嫁榮縣舉人余智甲

申賊至與夫俱被執大罵不絕同死之

縣志勝朝殉節

諸臣錄乾隆四十一年



予入忠義祠新附

按蜀碧載余智宜賓諸生與妻楊氏同罵賊死與縣志不合通志纂入敘州府忠節誤

梁為憲 諸生亦一藪壻與李合宗同執械至成都俱死之縣志勝朝殉節諸臣錄乾隆四十一年

予入忠義祠

晏正寅 諸生母早喪父貧且微貿易教子正寅體父志力學有文名及父死哀毀盡禮獻賊之變被執不屈死之縣志舊通志宜賓諸生以孝名獻賊躡蜀被執不屈死勝朝殉節諸臣錄乾隆四十一年

敘州府志 卷三十三

人士

三

宜賓

予入忠義祠

周壩渡子 遺其姓名乙酉歲流賊據郡城官軍於南岸拒之官軍退賊欲渡江逐之喝渡子駕舟不從且厲聲罵賊遂被殺縣志勝朝殉節諸臣錄敘州人崇禎末流賊與官兵拒江相持賊呼渡不從且厲罵被殺乾隆四十一年

予入忠義祠

陳安國 字其丹幼以孝聞初為邑諸生後改武中崇禎庚辰武進士任崇明守備防倭寇有功陞流沙遊擊值歲荒捐所有以賑兵民後為川南屯田總兵



請告歸里

高景純 諸生學有淵源從遊者眾性耿介足不履公庭子甲能傳其業甲申賊至景純大罵被殺甲救父亦被殺闔門無一得免者惟中子其門以外贅得脫

王 星 號拱北幼聰敏日誦數千言不忘由貢生任教職甫一年見蜀亂歎曰此何時耶遂掛冠歸里胡偉然 字約之諸生性至孝家貧屢應鄉試不遇歎曰遇不遇命也安能兀兀窮年沉溺八比中哉於是盡焚帖括專攻左國史漢唐宋名家後避獻賊亂負入甸母渡江母卒於途倉卒瘞之逾年賊退昇母骸歸葬府城南返至珙縣卒

敘州府志

卷三十三

人士

美

宜賓

楊茂我 字古雪天分過人讀書一過成誦尹子求聞其名招至山中呼爲小友後避亂卒於高縣何於陞 字忠軒博學能文跬步不苟與人交表裏如一或有蕩檢者必面責之人皆稱有古直遺風尹子求深器重之甲申之亂避居鎮雄十年事平始出設教多所成就以易學世其家

盧傳極 邑歲貢仁厚好禮鄉鄰化之嘗買一僕乃馬湖舊家子詢得其實卽還之不索其值人稱爲古



道云並縣志

周元孝 字慕若幼有文名聘羅氏為配後女瞽且病父母將為改婚元孝堅不肯從卒成婚崇禎丙子舉於鄉甲申歲為賊所執強以官不受殺之縣志勝朝殉節諸臣錄舉人敘州人崇禎十七年賊脅投偽官不屈賊殺之乾隆四十一年

予入忠義祠新附

曾印昌 敘南衛世襲指揮同知陞遊擊分鎮白水江獻賊圍成都時死難

王道昌 字際五崇禎癸酉舉人性孝友為諸生時

敘州府志 卷三十三

人七

三

宜賓

兄弟欲析產道昌不聽凡所得俱獻之父以充兩弟婚娶甲申歲獻賊陷蜀偽黨檄之入成都道昌給以明日行乃夜率家人繞道遁烏蒙界將由黔赴廣至遵義尋卒

郭大勳 邑諸生為賊所執大罵不屈闔門俱死入

忠義祠並縣志

王應世 邑諸生流賊陷城被執不屈死縣志勝朝殉

節諸臣錄乾隆四十一年

予入忠義祠

彭明揚 字際亨幼敦厚習舉子業獻賊陷蜀明揚



捐產集鄉勇賊兵過敘明揚與諸生魚嘉鵬李師武  
謀夜斫其營殺七人盡得印綬函賊首奔督師樊一  
蘅敘功為大壩守備時孫可望僭號秦王致書一蘅  
詞多苛問往來之使頗難其人明揚請往可望坐叱  
曰樊一蘅號為經理隴蜀其功安在明揚曰樊公矢  
心忠義為遠近所服使兵食足用事未可知也若加  
之苛問則人皆解體矣其左右頷之乃免於難後擢  
陞永甯屯田都督僉事一蘅死明揚辭歸里以孝友  
教人躬敦古道長子珣康熙甲子舉人次子惠吉諸

生縣志

敘州府志

卷三十三

人士

三

宜賓

李洪霽撰彭際亨傳

際亨蜀宜賓人母夢慶雲覆室

讀懷宗諭祭劉之綸文歎曰書生能如此不虛金章  
紫綬矣時流氛猖獗秦楚淪陷督輔楊嗣昌治師江  
陵暗於料敵獻賊詐降安置竹房歎曰若輩狼子豈  
肯草間求活耶蜀難近矣辛巳獻賊復叛壬午果入  
蜀直抵南溪遂棄舉子業從事韜鈴樊一蘅解柄歸  
里謁之一蘅囑其往諭鄉人家畜兵器以防寇之復  
至甲申獻賊全師入蜀時一蘅復總督川陝明揚歸  
聚宗黨得壯健三百餘料軍資屯於山寺十月賊  
陷會城僭號置官遣偽屬至敘里有魚嘉鵬李茂松  
名士也謀曰祖宗養士三百年日今神州陸沈人心  
未死既委官來此樹降受戮於理孰悖君助我百人  
吾力尚能滅此許之偕行殺偽官七人得偽印七顆  
聞樊駐永城函首攜印往三日賊大隊至魚李被害  
明揚得免於難標鎮馬應試約同事題遊擊任監贊  
丙戌川貴師三十萬眾復成都賊宵遁序蕩平克復  
功疏題都督僉事調防大壩汎樊一蘅身任殘疆重  
務善後之策無踰屯田調明揚至轅授中軍任戎務  
屯政庚寅孫可望在滇假胡戴名監國貴陽致書一



衛語多矜肆遣復之使明揚請往至黔可望盛陳儀衛召見卒然問曰樊某經理秦蜀所辦何事曰老臣盡瘁同於武侯乃心王室同於郗鑒但兵勢有強弱故成功有遲早耳殿下若肯相容大事尚可濟若必加兵誠恐來歸之人解體負率土之望可望怒乃解賜錦幣而還明年一衛卒知事不可為遂退居鄉里二十年而終○新附

魚嘉鵬 諸生張獻忠僭號賊兵過敘借李師武與義勇彭明揚夜斫其營得其印綬別將至擒二人詰其黨嘉鵬厲聲曰自為之恨未及獻忠耳賊皆磔之縣志通志字萬里郡庠生篤學力行獻賊遣偽官至嘉鵬率眾殺之賊搜獲拷訊其黨嘉鵬厲聲曰我自為之恨不能殺獻賊耳他人何與賊磔殺之大學士王

敘州府志 卷三十三

人士

三

宜賓

應熊特旌焉勝朝殉節諸臣錄乾隆四十一年

予入忠義祠

李師武 通志宜賓諸生與魚嘉鵬同舉義為賊所執不屈磔之勝朝殉節諸臣錄生員宜賓李師武王應世晏正寅俱崇禎中獻賊陷蜀死節乾隆四十一年

予入忠義祠

楊瑜 乙酉歲流賊至敘瑜母李氏年踰八十不能舉步瑜夜負母出城為賊所執先殺其母瑜跪屍前號泣賊並殺之入忠義祠



彭明德 明揚從兄少通經史長列戎行從朱燮元討奢逆恢復赤水等四衛授守備入覲值京師戒嚴明德偕能軍七十三人請効力縋城出會四川勤王師至得稍安授湖廣承天府留守司副使崇禎十五年與闖賊力戰被執賊知其賢而免之隱居蘄州年九十一卒

並縣志

樊一荃 殉難記字紉楚年七十六甲申賊至玩賊如兒叱曰吾八弟督兵來當碎爾骸賊探知司馬胞兄害之經旬面目如生

樊君佩 殉難記年七十二性嚴正遇賊憤曰國破

敘州府志 卷三十三

人士

罕

宜賓

家亡分惟一死呼賊加刃賊果刃之

樊子玠 殉難記字錫元一荃子遇賊時抱父痛哭賊並殺之

樊斗寅 殉難記字夏卿賊至守母喪不去賊戕之

樊一蓉 殉難記起義抗賊不勝被戮諸子子瑜子

璋及季男俱死於賊

樊子琇 殉難記以賊故死於水

樊斗柄 殉難記以賊故死於焚

樊斗杓 殉難記集鄉勇討賊戰死

徐世賞 劉望之 殉難記遇賊格鬪隕命



牟道行 歷文選司員外歸里後起為監軍道恢復  
敘城尋以疾卒何志選舉註高縣志字篤之號秉素宜賓  
人明天啟乙丑進士授中書舍人崇禎三年上太平  
十四策擢稽勳司已而告假歸十七年甲申獻賊陷  
敘道行由高入烏蒙集夷兵攻賊轉戰擒斬偽將貢  
萬年等乘勢追北旋從官軍贊襄擒剿賊懼奔潰歲  
丙戌從永甯至建武過高縣入敘城明年復至高縣  
遂家於高正洲以壽終

牟道顯 高縣志道行弟也由恩貢授湖廣松滋知  
縣候補雲南知縣尋致仕歸與兄同家於正洲友于

敘州府志

卷三十三

人士

望

宜賓

無間

並據補

尹長庚 字西有伸子卓犖有父風以徵辟為縣令  
左官起補客死廣陵長庚有經世才視天下事數着  
可了其亡也人皆惜之據錢謙益文補

尹長鏡

伸季子與父同時罵賊被殺

據尹太僕傳補

趙繼龍 號方揆以建武拔貢生授長嘉縣儒學同  
年某年老授威州學正威州今之榮縣故邊地苦寒  
甚某奉檄號泣繼龍見而憐之請於大府願效古人  
以柳易播故事遂由長嘉改威州後入宜賓籍子孫  
繁衍科第絡繹為蜀南之冠據趙氏家傳補



皇朝宗敦一 字景虞號凌霄明崇禎辛未進士任江南

旌德令愛民好士三年考滿民復留之擢監察御史

歷蘇松御史長蘆鹽院入

皇朝督學順天官至通政使祀鄉賢祠

郡守顏敬撰宗凌霄傳公生蜀南於地最僻而一時

江左所造彌廣而舉世之人僉以公才為莫及公官業未竟未得躋世於唐虞徒貽空言於今日人皆不能知之但使有心者於波起蛟鳴月光澹蕩時思公之概則凜然不拔之志又如雷行空不可遏也已公宗姓明中侍御公寬孫也公紹祖緒而讀書訪道濟物為心殊於世儒之戀華貴者有以其文為平平公若弗聞也崇禎庚午舉於鄉辛未成進士值明治方隆公出為旌德令昇養民之任操父俗之權謂得第者或居翰苑人競榮之寢食簡編無功於民不若令與民親宣上德意也為政六年民惟恐公去去之日

敘州府志

卷三十三

人士

望

宜賓

勒石紀其績方畝為祠生祀之至今稱循吏者必曰宗公景虞也景虞公字也迨召見天子嘉悅擢御史值明治欲衰公極言時政前後十萬言差長蘆視差巡按蘇松差督學江南所取士盡一時之望朝廷稱直指文學之臣曰宗敦一也敦一公名也每由大理寺少卿陞通政使位齊執政大臣時當有明未造得以展所蘊而康宗社保黎民樹不世之勳矣以公素揆之且膂力方剛雖握蛇騎虎不覺艱難而乃年未六十而卒悒悒而徂則知報國庇民之志雖沒猶不已焉苟不聞其幽忠表其夙蘊知公者少諒公者更不多何以測公於正笏臺班芑樸作人而後有過人之畧也何以測公於金甌既墜風雨淒涼而後有未白之心也傳曰宜賓通政使宗公諱敦一字景虞號凌霄凜然欲生也不可諒其志也○新附

聶應井 明天啟間舉人順治初知江西南康府守

城禦寇地方賴之後隱於廬山見江西志按通志作聶應升



羅國獻 順治初任雲南巡按寇陷省城被執不屈

縱火自焚死見雲南志

樊曙 字旭東明末以門蔭襲指揮僉事博通典

籍寇亂後躬耕養母弟瞰流寓滇中老且艱嗣遣人

迎歸為置妾生子吳逆迫以偽命力拒之卒年七十

二有楚澤吟諸刻祀鄉賢祠

樊氏一門殉難記 余家聚族貨市受禍於甲申十一

重慶愀然歎息謂刺史公曰渝城重地無渝則無蜀

親戚宗族當以廬墓為依我則宜遠引兄弟長此生

死辭矣俄而燕京凶問彷彿傳來司馬公決意南行

攜曙登舟次於播將趨海微適先皇總督之敕至遂

留播與督師王公辦蜀事焉刺史公率親戚宗族還

鄉依廬墓賊至舉家為賊所獲刺史公齊食託疾日

敘州府志

卷三十三

人士

星

宜賓

夜誦孝經賊呼為善人不屈賊賊亦莫敢侮獨先慈

尹孺人免於難孺人聰慧嚴正素有才智聚僮僕保

裘馬以待先嚴職方公職方公脫虎口措資遣力

贖刺史公及親眷得免死安置職方公知鄉土不可

留商於從姪秋節公以計出險遂偕尹孺人潛奔司

馬公贊討賊機宜焉余家親戚宗族殉難者三十有

一人言之痛心又不忍不誌以瞑泉臺日族姓十一

人伯祖紉楚公諱一荃年七十六玩賊如兒叱日吾

入弟督兵來當碎爾骸賊探知司馬公胞兄害之沒

經旬面目如生伯祖君佩公年七十二性嚴正遇賊

憤日國家破亡分惟一死呼賊加刃賊並殺之伯父

錫元公諱子玠抱父紉楚公痛哭賊並殺之伯父

卿公諱斗寅守母喪不去賊戕之堂叔祖一蓉公起

義抗賊不勝被戮諸子瑜子瑋及季男俱殺於賊

堂叔子琇公以賊故歿於水堂兄斗柄公以賊故歿

於焚仲兄斗杓公集鄉勇討賊戰而死諸母九人王

母刺史公元配李孺人年六十賊執之呼為老婆王

母大怒曰死賊奴我朝廷命婦誰敢侮我捶賊賊憤

加害庶祖母刺史公側室夏太君不從賊賊多方誘

之苦之終不從賊大撼懸髮梁間射數十創復斷兩



足而死死數日手猶挽下裳不可釋伯祖母劉孺人  
不食死堂伯祖母任太君割耳鼻兩手死族祖母張  
太君酷焚死伯父閻生公繼配涂太君自經死堂兄  
斗樞之妻徐氏斬手足死映之妻潘氏自刎死長姪  
懋倫之妻周氏投江死諸女五人適尹門伯祖一著公  
女哭夫嘔血死嫡姑司馬公四女適尹門刺史公季  
女適劉門俱哭夫絕食死嫡妹名和貴聘周門投巖  
碎身死堂妹閻生公長女適尹門執義赴水死諸壻  
六人姑夫徐世賞劉望之遇賊格鬪隕命姑夫李合  
宗梁為憲被執至錦城不受偽職戕於萬里橋姊夫  
尹杰起義滅賊兵敗罹禍恚之叔姑夫尹長纘見父  
方伯公受辱大呼曰父為忠臣兒為孝子投巖殺賊  
為賊所殺此三十一人殉難情形也嗚呼痛哉方伯  
尹公為余外父避魏璫家居二十年以詩文氣節  
自負賊將至客勸之遁答曰吾豈向草間求活耶服  
朝服開重門端坐中庭遙望見賊輒大罵賊曰此必  
尹鄉官蓋公官西安以清直著賊重公名欲生致焉  
肩輿以行公罵不絕口賊不能堪榜掠之罵愈厲二  
妾夏氏邵氏年皆五十餘各持杖擊賊支解而死子  
長纘即赴義於斯時公實不願見賊酋至井研給賊

敘州府志

卷三十三

人士

器

宜賓

曰我見爾主備說爾等罪狀人人當殺賊懼戕公家  
人收公骸藁葬蓮塘之北山嗚呼痛哉家大父大司  
馬公刺史公與外大父方伯公為性命交同以家食  
遭國變一則審機圖存保社稷於天步艱難之日一  
則成仁取義維名教於寇焰鴟張之時而刺史公全  
身保族不屈節不危家為祖宗延萬年嗣續苦心大  
力更有難焉者行各不同衷乎道而已異時仁人  
君子聞微表幽錄大孝精忠者司馬方伯刺史三公  
自在不遺而一時忠孝所激視死如歸如余家親戚  
宗族三十有一人當亦董狐南史所不棄茲故備誌  
以俟採擇嗚呼痛哉是余家門  
之不幸實世教之大幸也耶

黃陵廟敕書樓

月峽黃牛合江聲白帝來樓前憑積  
雪石上走奔雷天險岷江出神功蜀

道開敕書猶望

秋色

秋景足盤桓悠然未闌鶴眠  
松嶺石魚釣蓼花灘歸路村邊

晚鐘聲寺外殘隔林見村  
落數點好煙巒○新附

李洪雲 字旦復明選貢獻賊黨據敘城司馬樊一



蘅收復郡城贊畫機宜其力居多永明王欲重任之  
不就優遊鄉里數十年不履公庭子華時亮時諸生  
暢康熙壬午舉人任山西聞喜知縣

李洪霽 字開平宏才博學不樂仕進吳逆叛聞其  
姓名將強致之遂變姓名由間道避楚之襄陽事平  
始歸卒年八十六著有易詩心得讀史管見長子時  
雍正甲辰進士內閣中書歷江南廬州府同知次子  
昉贈文林郎三子畋雍正壬子舉人以明通任昭化  
縣教諭孫鶴齡雍正六年選貢延齡遐齡億齡諸生  
千齡乾隆甲子舉人任江西南康縣知縣彭齡乾隆

敘州府志

卷三十三

人士

五

宜賓

庚辰舉人

樊星煒 字紫景明季選貢嘗受業於樊一蘅尹子  
求少有德器鄉先達成呼爲樊景星流賊入蜀圍練  
鄉勇以保鄉族 國初屏跡山林太守張利賓敦請  
不就顏其居曰先輩典型所著有介景堂集並隨筆  
共二十餘卷

趙發祥 字式九年二十當獻賊之變勇力過人投  
効肅王前後刃賊首二百餘級肅王置之左右將不  
次超拔適見王延師課士執禮甚恭遂幡然憬悟請  
就讀肅王嘉許遂棄武習文卒以歲貢任榮縣訓導



子暉康熙丙戌進士

趙樹吉撰家譜

公諱發祥字式九康熙中歲貢生選

甲申之變投筆歎曰國事至此尚可徒事章句乎初  
避難於榮之貢井為土兵所拘聞明兵移鎮保甯公  
責以大義勸令反正眾從其言撤兵北赴厥後戰於  
達州屢敗逆賊以軍功領前鋒督師出陽平守秦隴  
與賊相持久為所困外援斷絕公乃率所部斬圍出  
卒免於難會我皇朝定鼎海內肅清因幡然曰吾  
以詩書禮樂之裔忽變為起桓武夫之習有愧先人  
多矣乃棄武講藝後從珙縣李之藻歸里復就讀順  
治丙午補府學生以高等食餼甲寅復遭吳三桂之  
亂避兵郡西相從者數十餘家聚眾言曰事勢危急  
如此不協力同心吾屬盡為虜矣眾皆拱聽約束乃  
令人於空室尋覓遺糧夜則左右守望眾卒獲全一  
日有苗蠻數百擄隣女去率眾提刀叱之苗恐棄女  
逃任榮縣訓導出資建兩廡修學舍朔望集諸生試  
文美者獎之不能者勉之歷九年文風丕變丁氏子  
時英合器也以貧輟學公告邑令各捐廉俸助之卒  
業遂領癸酉鄉舉里民困於輸將有以兄鬻弟者其  
母哭欲絕召其兄子之金日速歸汝弟毋傷母心其  
人感泣生平教子以積德讀書遵祖訓畏王法有小  
過必加詞責曰古今來姑息而賢者幾人哉卒年五  
十有七  
○新附

敘州府志

卷三十三

人士

吳

宜賓

樊澤達 字崑來少值寇亂奉親避兵越溪家貧負

米百里外嘗撐筏墜水中聞人呼曰此孝子也若有

扶之者及出波心筏猶在側乃得不死中康熙辛酉

解元乙丑進士選庶常歷翰林院侍讀

瞿唐峽口

誰憑霄漢劈青蒼天險由來古戰場八陣

江流合白帝城高草木荒峽路祝馬湖李公祖前春  
愁人從此始哀猿嘯處淚沾裳  
自京華望重盤根識舊家五馬遙臨春雨露雙熊高  
映曉雲霞歌思已覺民風古報政何辭蜀道賒咫尺



龍湖飄紫氣羣仙爭  
獻棗如瓜○新附

樊澤迴 字膏郇四歲失母終日哀慟不離喪次八  
歲能文從父避亂與兄澤達負米百里外獲疾成胸  
結及冠而卒鄉閭惜之

錢紹隆撰樊孝子傳 孝子樊澤迴字膏郇宜賓人也  
生四歲失怙哀慟弗輟依依喪

次眾以是奇之八歲學為文揮筆灑灑似不着烟火  
塵埃者每至親友家見架間書取讀之皆能記憶府  
縣試童生當事者嗟賞不已性甚烈見人困厄恒思  
濟之遇不平事將奮而與之辨而自恨其力之未濟  
也家貧兄澤達未幾免惜錙銖澤迴不可以為財以適  
用廢用留財何以能久庚申辛酉避亂岩谷間從兄  
負米百里外恃其膂力寒暑忘倦養生送死無愧先  
民乃於穉年得之亦異矣好歌咏聽之則如風雨驟  
至鸞鳥羣嘯或為涓涓山溜或為汪汪潮聲有時鳴  
咽流淚則非人間物蜃樓結綵鮫人織綃不牢不而  
人士 宜賓

敘州府志 卷三十三

聖

不能久於塵埃烟火也宜哉抑又悲哉哭母時獲疾  
胸有結痞貧未及療竟以是不祿年止二十一耳迴  
志甚大不事浮名何事身後然其他可泯其孝不可  
泯也未死前數日悉焚其所著僅得一二什傳之志  
足尚已 ○新附

登四望山 山勢插河漢泉聲落檻楹今予愁極目古  
者亦何情巖逼雲雷近溪流日夜清曠哉

懷抱盡老氣尚  
縱橫○新附

樊敘倫 字仲彝歲貢吳逆之變奉母匿荒山中覓  
糧於百里外為賊所得監守甚嚴會兵弁竟能書者  
敘倫稍見禮重遂以實情哭告之兵弁感動夜深給  
米少許縱之潛逃比至母病且死敘倫號泣淺殯之  
時平歸葬祀鄉賢祠



峽中

八月瞿塘水秋風萬里身囊陽曲蒲帆去若飛

無復弄珠人來臨

江水綠○新附

王

偉 羅文斗 康熙初年俱以割股愈母病見

稱 鄧 乾 邑諸生家貧授徒養親父汝謨病危乾殷

憂莫措質其子以備衾殮父病尋愈子亦贖歸學使

江皋以行優旌之 趙 暉 字子烈康熙丙戌進士任江南高純縣知

縣清釐逋欠分割疑獄有能聲隣邑溧陽蝗起近界

不事祈禱恭默自咎薄暮石臼湖風大作蝗盡捲沒

敘州府志

卷三十三

人士

吳

宜賓

溧界猛虎傷人刁民移屍過界至夜虎仍啣歸舊處

事聞保舉同知任吏部主事尋陞員外致仕家居三

十年杜門不出年八十卒子士奇士先士賢士英士

章俱諸生士元舉人直隸贊皇縣知縣士新貢生士

愷舉人孫城舉人浙江新城縣知縣邨舉人

聽雨樓隨筆

四川總督年羹堯性暴烈而篤於師誼

一日偕往謁聞人拒之爭鬧巡捕詢悉其由恐獲戾

為稟聞立傳入相見甚歡留署中日共奕既辭歸命

犯男女數十人如水漲即回勿冒險出至督轅見囚

令不察刑逼錄從今親解來審公前鄉舉時曾至吾

家認宗誼懇求援手趙與詹躊躇良久仍回署云大

水難行年喜日且再賭棋二生連輸兩局年大悅趙

忽跪地年愕問因述婦冤年日君誠篤士言必不誣



因盛怒將嚴辦縣令伏地哀求趙為叩頭請乃已  
傳命開釋諸囚案遂銷後官吏部子孫科第蕃盛人  
以為陰德之報○新附

胡瀛 字一山七歲投讀座右常自書忠臣孝子

四字康熙戊戌成進士授翰林讀書立品不事奔競

歷任藩臬蠲除積弊不避權要仕至山西布政使以

六十三假歸居林下十六年卒子世芳任江南松江

府批驗所世菁貢生浙江州同世芝乾隆丙辰舉人

秋興宣武門前結小廬門臨丹地鳳城居天邊有信

垂蕉葉雨聲疎閑時細讀冕山道中遠涉休噴蜀道

相如賦絕代才名付子虛難重山重水詭

敘州府志 卷三十三

庸在春日過太平橋沿溪驛路接高峰結構危橋兩

又安岸通松吼濤聲疑作雨鳥和人

語快當風平疇粼粼新秧綠遠岫蒼蒼返照紅

到處年光總堪賞開懷莫負景蒸龍○新附

王錫侯 字介士康熙庚子舉人十歲失怙恃哀毀

如成人嗜學家貧焚膏不繼燃香照讀任鹽源縣教

諭乾隆四年署會理學正代辦州事喇嘛與中甸爭

地界久未息錫侯作書諭以大義案遂結餽以重金

力卻不受九年歸里仍以教授生徒為事及門多所

成就年七十八卒子師丹貢生南江訓導

楊端 字正夫號立菴雍正拔貢任成都縣教諭

學問淵博著述甚富嘉慶壬申編纂通志其孫出所



輯縣志稿十三卷斷自戊子以前改正訛謬多可採  
錄所著已刻者劍州志存古錄未刻者成華合志集  
古錄清白堂詩稿

李千齡 乾隆甲子舉人任江西南康縣知縣清慎  
廉介居官如治家凡所推讞務爲詳審不使冤抑獄  
無留滯士民戴之見南安志抵家日囊篋蕭然年七  
十猶手不釋卷惟以忠孝詩書訓迪後進片言細行  
未嘗少弛士林稱述不替子謙吉任杭州理刑廳恒  
吉候補訓導孫世英世華諸生

王師丹 字敬菴歲貢生錫侯子七歲能文十二爲  
諸生家貧親老投徒奉養甘旨未嘗少缺父母繼逝  
足不出戶五年朝夕哀泣幾至失明選南江訓導以  
祿不逮親力辭一弟早喪撫孤姪成立子懋懋懋克  
敦孝友孫時英時行時蕃時芳時和時莊俱諸生時  
任嘉慶辛酉科進士

彭大溥 邑諸生生平無疾言遽色以孝友教家嫻  
睦教鄉里人多化之嘗自建館舍延師誘鄉族子弟  
多所成就族人納采而無力婚娶者助成之足跡  
不入公門邑令某重其行屢延之皆不赴曰我非逃  
名爲高也戒子孫勿干與公事耳卒年八十有一子



三家英家葵諸生家茂拔貢孫運鍾運楷運衡諸生  
運章舉人

趙士元 字仁灝乾隆壬午舉人年十八鄰人侵其  
地界眾咸不平幾至構訟士元卽舉其地與之任直  
隸贊皇知縣邑豪朱某分產中有恃強侵吞以巨金  
行賄者士元秉公結案賄金當堂擲還士民稱頌  
夏 暄 字東陽歲貢生家貧設館奉親乾隆庚申  
以優等第一應選拔以父驟得風疾侍湯藥不赴考  
督學嘉之邑侯旌其門曰文行兼優任安岳訓導三  
年辭歸年八十八卒卒之日猶與及門講大學一篇

敘州府志

卷三十三

人士

至

宜賓

王 麟 字遠軒乾隆辛卯副榜己亥舉人任直隸  
完縣知縣讀書過目成誦十三失怙母陳氏能解四  
書講義課讀數年始就外傳學問博洽著有川省人  
物考子汝達舉人汝召諸生

趙士愷 字八元暉子乾隆戊申舉人言行簡重文  
學著名鄉里咸敬憚之遊其門者多知名士子邛嘉  
慶戊午舉人

趙 堂 字升可歲貢生事孀母朱氏至孝乾隆丙  
戌母患瘡甚劇晝夜呻吟堂吮之痛頓止孺慕終身  
如一日一妹早寡遺孤皆爲成就子鍾純舉人鍾南



恩貢鍾琳選貢鍾山舉人孫湖選貢冰涵湘淵諸生  
榮選貢浦海洋濰俱諸生祀忠孝祠

蔣祖經 性孝友家貧親老常負米百里外以養處  
兩兄多爲曲全每值荒旱捐資濟人全活者眾獎勵  
後學感化甚多尤敬惜字紙終身不倦子士周諸生  
孫宗愷甲寅舉人宗悌戊辰舉人宗純諸生

李述先 白沙舟人子也年十五與父操舟灘急舟  
覆述先以身輕得泊岸將復入水救父人咸止之不  
可竟投巨浪中父子同没事在嘉慶十五年

以上縣志人物

敘州府志卷三十三 八七

聖

宜賓  
川白文

趙鍾純 字和軒乾隆癸卯舉人任浙江縉雲縣知  
縣缺簡而差繁惟盡心民事課士親爲講說五年而  
民安其政嘉慶庚申秋大雨浹旬田廬多漂沒鍾純  
請於大府開倉賑濟民賴以全旋以勞績調鹽海將  
卸篆矣檢糧籍民歎至三千餘金慨然曰民困未蘇  
留此蒂欠恐重爲赤子累吾不忍也盡傾廉俸代償  
之民感之次骨去縉日紳民攀轅餞送者數十里不  
絕至海鹽未逾月丁母憂百計措貸始得歸服闋再  
補縉雲知縣縉人聞趙尹來皆扶老攜幼歡呼塞道  
其爲民愛如此然性簡直不能隨俗俯仰以屢廷上



官憲願改就教職得邛州學正未三年仍移疾歸家  
居與弟兄戚友歡洽無間年七十四卒

趙鍾琳 字玉圃堂三子少家貧苦於學既長補縣  
學生選乾隆己酉拔貢任東鄉教諭六載移疾歸生  
平內行純懿母氏尹病風痺晨夕診視手自製方稱  
藥量水必親必慎歷八年如一日與弟弟友愛至老  
彌篤交友無城府引掖後進汲汲如不及族人及遠  
方從學者眾至講舍不能容經指授輒成名去其在  
東鄉亦如之著有勉齋文集二卷雜著一卷年七十

八卒

並採家譜

敘州府志

卷三十三

人士

五

宜賓

周道昌 字乙生乾隆乙卯副榜嘉慶甲子登賢書  
任洪雅縣教諭兼掌洪雅書院甚久在里時掌翠屏  
書院六年凡經培植成名者不勝紀生平學問淹通  
孝友純篤留京數載咸稱文府值親喪泣血三年友  
教胞弟廩生道明道隆舉人道揚皆有文譽門人有  
居顯位欲代為負緣者却不受其志節可想見也

採公舉事實

王汝召 字由堂歲貢生秀山訓導性孝友操行謹  
飭學崇經術筆耕數十年造就多知名士

採家譜

趙鍾辰 字少峩嘉慶辛酉舉人歷任石泉奉節教



諭河南平唐臨穎知縣道光戊子充河南鄉試同考官得劉樹勳卷奇賞之薦於典試張日昫張素精衡鑒遂以冠首一時稱爲名元素雄於文且善書有蘇黃意態爲古今體詩秀骨天成不落塵俗著有詩草若干卷尤喜水墨畫酒酣興至一揮盡數紙人輒特去亦不自惜至今一竹一石人爭寶之

趙湖 字六橋鍾純長子嘉慶癸酉舉人晚任鄰水教諭吏部截取知縣不就在任十四年卒於官生平志量多濶勇於任事好善若嗜欲其居家也邑義產數百畝主進者多存虛籍邑令徐屬勾稽出納舊

弊悉除治西北兩山叢墓纍纍爲牛馬踐躪捐資掩築日以百計半月始訖工又創勵節會以資族之守志而貧者其在都也明經某卒貧無以斂悉出囊中金爲治棺服已雖拮据淡如也其在官也捐俸製文廟祭器並置祭田值 覃恩詳申節婦一百十名再駁再詳卒如所請其他義舉不可勝紀卒年七十有六

趙冰 字朗亭歲貢生道光壬辰副榜援例署射洪縣教諭父性素嚴侍左右者輒獲咎冰先意承志獨能不失歡事母馮凡所以備養者靡弗具仲弟赴



鄉舉歿於旅次不待試星夜扶柩歸弟婦李守志獲旌將建綽楔水爲出金度地營造忽得石穴於旁畢工適敷所用人咸異焉處家極能忍讓先世遺產未嘗輒受與諸弟有分則推其膏腴與多者而獨取其瘠薄者戚某以逋負欲鬻產冰念其母老苦節召其人予三百金事立解其敦厚多類此授徒數十年成就甚眾生平寡言笑坐立未嘗欹側人望若古松介石年八十餘卒

趙榮 字涪溪嘉慶癸酉拔貢歷署廣東和平徐聞陽春會同等縣知縣補清遠署化州皆有政聲在

和平調簾差已入闈矣會逆匪滋事榮奉檄馳還卽時撲滅在徐聞建桂生書院以來士之秀者尤長於聽訟徐人建綽楔頌之在陽春邑某招塾師飲師以暴疾卒於其家遂誣以謀斃榮廉其寃爲力雪之邑有龍船塘陳姓公產也以衅爭構訟十餘年不決榮爲理其訟復捐俸贖產卽以其息歸書院訟遂息士民爲建生祠在清遠值苦雨浹旬居民皆被災榮賑饑治隄不遺餘力全活無算旣卸篆居起鳳里猶有昏夜投狀者雖禁不受然其遺愛可知矣在會同有蓮塘劍草塘歲入租充官署公費榮爲劃歸書院復



倡捐銀一千元置產以資給來學者邑人爲長生位於端山尸祝之晚年歸里貧幾不爨蒔花種竹泊如也著有涪溪詩草四卷

趙 洪 字竹亭湖子縣廩膳生嘉慶己卯副榜候選教諭湛深經術旁通子史尤長詩賦駢四儷六時彥莫之能先也家居授徒猶子輩及他來學嘗數十百人年四十有八遂卒所著制藝詩賦若干皆藏於家

趙 漢 字晴舫鍾琳子府學附生以高等食餼精楷法得平原之遺家貧授徒奉母會季弟卒無子以

愛子樹烈嗣竭力營喪葬弟產微有入絲粟仍歸諸弟妻兄子樹笏樹鉞染疫卒兄亦逝先後未一月漢戴星出入倉皇悲號先已數十日不眠布袍芒屨奔走烈日中兩目盡赤醫藥棺斂不以貧故恤力畢葬逋負纍纍而家人食草具或至不爨未嘗以爲言己又焚所費簿籍曰雖細故留之慮爲後嗣口實女兄適梅氏者窶甚子三一病廢漢迎之歸養廢者而資二子力業母舅樊老無依除舍館之某父子皆廩生坐事禡求復需多金漢爲貸於人某嗜博一夜罄逃去漢典衣物爲償後遂不更問生平敦尙大節誠篤



潤綽類如此子樹吉庚戌進士官迤西道另有傳

趙濬字芳汀鍾辰子府學廩貢生歷署成都射

洪名山劍州等處教諭工丹青道光中出金千餘置

祭田若干畝於宗祠

並採家譜

黃耀明號次誠幼孤苦穎異嗜學嘉慶戊寅與兄

伯暄同領鄉薦主司顧元熙得耀明文詫為得未曾

有定元數日乃以第七人魁本房會試屢薦不售由

大挑知縣分發江蘇攝邳州補婁縣以經術飾吏事

在邳政績尤著先後受知於總督陶澍林則徐道光

甲午同考鄉闈解元徐元達出其門丁酉再與分校

敘州府志卷三十三

人士

七

宜賓

得士稱盛主司推其衡鑒之精既奉諱歸遂不出生

平宦囊盡以買書四壁蕭然仍藉授經為養道光未

林則徐督雲貴道經敘州親至耀明家強其佐幕未

久則徐引疾耀明亦歸里二子早歿年七十生子燕

庭甫數月耀明遽卒故宦蘇政績及生平著述均湮

沒無傳今所刊行者叢秀山房制藝一冊而已燕庭

今為郡庠生

採公舉事實

龍在田字熙明道光壬午進士任直隸衡水知縣

調固安遷通州知州下車三月清積案七百餘件大

府稱其能游陞西路同知鞫獄詳慎必得其情而後



止以失察絳部議旋捐復知縣棟發福建署清流時  
村民有藉神聚眾一案當路將嚴辦在田至毀其廟  
爲之稟消不議一罪民甚德之補詔安以忤大府意  
解任去復署浦城崇安等縣所至皆有聲告歸卒年  
七十有四著有雨船詩集十一卷行世

採行狀

徐勳 字吉臣道光壬午聯捷進士任河南上蔡  
縣知縣值大雨月餘濱汝村莊漂沒勳集紳富議爲  
開渠渠成迄今無水患蔡城漸圯勳議重修計費萬  
緡事集而民不以爲苦又增建小學十區除盜窩一  
士民稱頌由卓異調孟縣減民間供官車馬費二千

敘州府志

卷三十三

人士

五

宜賓

餘緡培修學山河陽兩書院其治行與上蔡等後丁  
母憂服闋再補孟縣孟人歡迎於道時大旱饑民相  
枕籍勳設粥廠於四關繼復計口授以粥資故灾同  
而餓孳獨少卒遷湖北歸州知州以年老挂冠歸里  
子士弼舉人歷署河南扶溝舞陽魯山安陽羅山等

縣知縣亦多惠政

節家傳

徐煌 字蘊之勳胞弟道光丙戌進士以知縣分  
福建始署永定縣事邑近漳潮多攔江搶奪糾眾械  
鬪諸巨案煌泣任數月咸斂迹某村兇徒三戕良家  
子逃捕得置之法某姓數十人結盟將行劫擒七人



杖斃之餘黨悉潰邑人稱快焉及任南屏邑中有焚化尸棺惡習嚴禁之不數月此風遂息兩邑民皆建長生位祀之乞養歸旋丁母憂服闋改授成都府教授卒於任生平事母最孝及歿廬墓三年處兄弟極友愛授徒日久經培植成名者不可勝記性廉介亦極和平雖僮僕不輕責也節家傳

邱應華 字公實道光辛卯舉人植品端方家居教授學徒鱗萃凡經培植成名者數百人所著課徒草數卷郡中文士莫不轉相傳抄奉為矩矱常語人曰忠信涉波濤若彼以詐來我以詐往是以詐召詐也

敘州府志 卷三十三

人士

五

宜賓

其居心之誠篤如此晚任眉州學正勤於訓迪士林

仰若山斗壽六十有四舊稿

學使譚宗浚撰邱稼村傳予視蜀學之三載於宜賓貢優行生一人曰邱晉成

一日持其先考事實册請曰先君子歿十有九年矣葬時未及乞賢士大夫為銘幽之文聞歸太僕有言發揚先人之德莫如傳敢請作傳因書其畧曰君諱應華字公實號稼村先世自興化徙粵宋景德中有諱然者歷官欽温吉三州刺史擢鴻臚寺卿以儒術傳家至君凡二十八世祖諱可博由粵遷蜀之宜賓遂家焉考諱敬業事親至孝行誼為鄉黨範君幼負異稟讀書恒達旦不寐中道光戊子科副榜辛卯恩科順天鄉試舉人平居教授生徒數百人誘掖獎勸惟恐不至每課經藝輒以擬作導後學故所著騰茂書屋課徒草四百餘首遠近學者咸奉為科律經君指授靡不騰達以去屢應禮部試不售晚選眉州學正益以培植人才為務暇則聚諸生論說經義教職實俸無多居是職者不得不計較修脯之厚薄而



君不屑也去官之日積券盈篋悉焚棄士林感之君篤於孝友事敬業公及母朱大孺人愉色婉容發於至性撫胞弟應衡應藻友愛備至應藻少患目疾君嘗以為憂多方調護獲愈勵之學為名諸生其與人交無不推襟送抱相見以真見一善則褒嘉不絕口尤喜推己之財濟人之厄門人趙德元卒於京君募資持其柩返中道資匱君獨任之及歸未嘗以告其子及門中有貧乏者不但卻其束修並資以薪米費必使之卒業或成名去而後己其宅心仁恕皆此類也同治辛酉八月卒於家年六十有四原娶林早卒繼娶陳教諸子極有法架子大成中江教諭彥成候選縣丞晉成己卯優貢孫漢淮皆庠生○新附

趙樹桐 字聽齋冰次子道光辛卯舉人歷署河南

盧氏靈室修武等縣補濬縣知縣署浙川同知所至政號廉平不屑屑為瑰異之行然中實強毅弗為勢奪嘗有觀察某家丁因公至縣多方需索樹桐方坐

敘州府志

卷三十三

人士

卒

宜賓

堂皇聽訟丁置前媢罵立擒而杖之徐以情白觀察某某雖心銜之而無如何竟責逐丁自是至縣者咸肅然斂跡粵逆竄豫圍攻汴梁勢張甚樹桐捧檄登陣守天大暑立烈日中銳礮子如雨不稍退事聞以守城功升直隸州知州旋署陝西知州援例候選道

採家傳

龔景芬 字苾香道光壬辰舉人南充縣訓導例滿截取知縣不就生平廉潔端方事親盡禮設教數十載多所成就又嘗為濟田置厥義田置業及創修文昌宮正後殿創議鄉固積穀皆賴其力卒年七十餘



子運光廩生雲南直隸州運煊廩生教職運煥守備

運燧歲貢重慶府訓導

採公舉事實

李映棻 字香雪宜賓人道光甲辰進士始令江左

有聲繼入楚則賊氛四熾旋佐巡撫胡林翼幕凡大

措置引與定謀或屬草奏專以餽餉任之士氣益銳

屢疏薦之將倚以自代已而林翼卒於軍映棻亦積

勞不起官至湖北安襄鄖荆道生平學問賅洽才藻

瞻逸發為詩歌多憂憫矜惻之旨時值寇亂未得盡

展其才世共惜之著有石琴詩鈔十二卷行於世

據王

柏心文及全蜀詩鈔

敘州府志

卷三十三

人士

空

宜賓

周正華 號蓮峯道光癸卯舉人出湘鄉曾國藩門

下後官榮經縣教諭學宮頽圯正華倡議修復力任

其難值滇匪之亂擾及縣境以守城運糧功加內閣

中書銜卒於官正華自言幼時資性極鈍而攻苦不

懈學以困勉得之與弟正桂友愛備至勵之學正桂

亦有聲庠序間正華家居時開門授徒多所成就德

性冲和藹然儒者與之游處者數十年中未嘗一日

見其疾聲厲色也操履純篤鄉人至今稱之

採公舉事實

趙樹宜 字槐廳道光丁酉拔貢丙午舉人刑部陝

西司員外郎少事父母孝謹處同懷兄弟極友愛與



人交始終無齟齬任京職三十載清約如寒素在部決獄矜慎遇疑謝反復再三寃必爲之雪監西倉屏陋規不受及懸車歸里囊無一錢主翠屏書院講席十餘年訓子弟循循有則閭郡從遊者日眾率皆成名去光緒癸未重遊泮水壽八十有二

採家傳

趙樹吉 字沅青道光庚戌進士由編修改監察御史歷工科掌印給事中咸豐間屢上書彈劾權貴直聲震天下居臺諫八年食貧修業常以文翰自娛有乞觀其疏稿者太息曰滔滔皆是子所知也聖人憂民立賢無方公卿侍從殷殷搜訪揚於廷立異以封

圻連率州郡稱與不則事成敗後始知之余識閭力薄弗能也惟於不肖之昭著者務決去之然識閭而必待其狀之著力薄而弗獲吾心之從惟吾罪矣其持論如此同治初出爲雲南迤西兵備道時滇逆杜文秀盤踞大理僅駐東川行營規畫攻取方畧未得之任以忤當路引疾歸宦囊蕭然授徒自給得其緒餘者率皆騰達去所爲詩古文詞精奇秀逸爲世所稱著有郁鄔山房文集四卷詩集四卷疏草二卷瓮天瑣錄一卷歿後屏山聶培新暨門人樊宗源梓以

行世

採公舉事實



張啟辰 字星階咸豐壬子進士籤分雲南知縣歷署江川河陽彌勒師宗富民五縣晉甯宣威兩州補授順慶知縣遷景東直隸同知所至皆有循聲時滇亂甚守彌勒城六十餘日晝夜登陴不少息嘗出遇賊賊有識啟辰者曰此前江川令張青天也戒勿犯後江川令某被戕他令往民不納曰必得如前令張君者乃聽命其得民如此宣威有盜藪時出擄掠行旅裹足垂三十年啟辰禽殘翦猾道乃通昆陽有賊渠曰楊正鵬雖就撫猶擁兵自衛啟辰白巡撫借總兵某以計禽斬之所居金玉充牣一無所取人稱其

敘州府志

卷三十三

人士

奎

宜賓

廉謁告歸主敷文翠屏兩書院講席學者雲集卒年六十有九所著有瀕榭詩鈔已梓其紫桐花館二集及唐詩約鈔皆藏于家子鑿彥庠生鑿彥舉人均先

卒鑿彥縣學生

採俞樾撰墓表

薛鳳翔 字梧岡宜賓人幼遵節母趙訓敦品行律已嚴而與人則和厚由辛亥副榜任蘆山教諭蘆故偏僻士習譚陋蒞任後勤訓迪從受學者以百計邑中自乾隆庚子後無人登賢書至是始有中式者以堵賊功保知縣改授夔州府教授去蘆日諸生揮淚以送在夔九年其教人一如在蘆時歷掌雅州夔



門書院培植者眾庠內諸生有悖法者有司意主褫革必曲爲調護光緒癸未重遊泮水壽八十有六子華墀廩貢成都府訓導華封附貢候選知縣華廷附生孫銓善拔貢壬午舉人銓忠附貢廣東知縣銓能增生皆入籍興文採家傳

汪香祖 邑庠生字梧村進士潮之孫精算學工詩著有中算斟及蕤安詩集採新

凌心垣 字東藩戊辰進士歷任湖北咸甯黃安武昌知縣愛士卹民治行爲一時之冠調補孝感未任卒子萬銘舉人內閣中書萬鈞庠生採新

敘州府志

卷三十三

人士

裔

宜賓

趙樹棻 字蘭生道光甲辰舉人大挑用教職不就後以知縣揀發雲南歷署易門浪穹等縣調霑益州知州以功擢直隸州霑益自軍興以來百姓苦支應夫馬及釐米棻爲請免民咸戴德又例選民兵千二百名每年徵銀四百餘兩後帶兵者加至一萬數千兩民困久矣棻請於大府立罷之以母老乞迎川餉歸省遂不出家居侍母先意承志常得親歡年六十有六卒

趙敬熙 字摺丞廩貢始任德陽教諭同治丁卯中副車任雲南趙州知州自杜逆蹂躪後州治無存城



郭荒蕪敬熙蒞任捐建州署培修城垣緩徵收除強  
暴興文教百廢俱舉十餘年而頌聲大作鄰境有巨  
寇李大雙擾亂地方募勇勦除之歷署昆陽知州太  
和知縣彌渡通判護大理知府以卓異調取引 見  
卒年六十有一

趙增榮 字笙階同治甲戌進士官編修東鄉有大  
獄枉殺至三千人言官以其事上聞爲制府所持不  
得雪增榮糾同鄉宦京者控於察院詞及制府卒得  
白旋改御史歷湖廣山東京畿諸道監察御史當法  
夷構禍安南疆吏有弛防者密疏糾之並薦賢帥臺

敘州府志

卷三十三

人士

奎

宜賓

灣皆允行又國家錢政每購銅外島加價乾沒者至  
百數十萬金增榮上疏請追抄奏甫上其人已先寄  
頓然抄得者猶六十餘萬金其他整飭選政澄敘官  
方皆務持大體不尙刻覈生平孝友清介自奉儉約  
如寒士以截取授江西南安府知府未赴任卒

俱採家傳

陳應奎 幼隨父母客於滇母沒貧不能歸及長負  
母骸骨走數千里宵行露宿備歷艱辛卒得返葬旋  
復迎父大濟歸養時父年高兩目蔽翳應奎晨起跪  
舐榻前年餘復明人稱孝感子秉鈞亦能繼其志孫  
嘉銘國學嘉善附貢貴州知州嘉璋廩生嘉樹廩貢



金堂教諭嘉湖庠生

採何明撰墓誌

曾奇 永甯營外委乾隆十二年隨征金川攻色得卜沒於陣 卹廕如例

何其勳 永甯協千總從征金川乾隆三十七年攻賊於資哩陣亡 卹廕如例

魏元相 漳臘營千總隨征金川乾隆三十八年攻賊於昔嶺撲卡陣亡 卹廕如例

杜倫 敘馬營外委派勦邪匪嘉慶四年八月初二日擊賊於平利縣毛壩陣亡 卹廕如例

並據通志補

彭仁中 高洞鄉人任江甯府通判調辦常州軍務

敘州府志

卷三十三

人士

奕

宜賓

城陷殉難事 聞給恩騎尉世職文章彭原本從軍

江南亦同時殉難

據採冊

劉定邦 白沙鄉處士賊至被執不屈遇害

劉世珂 白沙鄉人性激烈賊至與鬪被執欲降之

不屈罵賊遂遇害

羅有翼 邑增生咸豐十年帶團禦賊於南邑石鼓

灘陣亡事 聞給雲騎尉世職入忠義祠

周邦衛 素諳武藝李逆至城年已六十餘帶團堵賊於西門橋眾潰獨與賊戰手刃十數人賊眾大至

遂遇害



王良臣 從九李逆入境帶團殺賊甚夥咸豐十一年陣亡事 聞給雲騎尉世職入昭忠祠

張永忠 咸豐十一年帶團拒賊於泥溪場被執不屈死

向登榜 李逆攻城登榜挺身立垛口連掀搗石打賊中鎗隕命

童炳槐 貿易橫江滇匪猝至被脅賊中後賊至城炳槐暗將馬糞置大礮中賊戰大敗事覺被殺

顏玉寬 玉敏 玉信 玉金 兄弟居城西泥濠口滇匪至敘兄弟堵禦殺賊無算力盡被殺犬守其

敘州府志

卷三十三

人士

卷

宜賓

屍賊去親鄰收葬面目如生

黃廣順 打鐵爲業膂力過人年七十餘適李逆至敘廣順攔路唾罵賊憐其老靡之使去反持槌擊賊遂被殺

鄧宗楷 邑諸生成豐九年滇匪入境宗楷督團堵禦被執不屈罵賊捐軀事 聞給雲騎尉世職同時有唐把總帶柏樹溪團丁攻青山賊營力竭陣亡佚其姓名

喻沂 咸豐九年滇匪竄擾慶符雷家堰沂以團勇堵禦衝鋒殺賊身受七傷至死猶罵不絕口



王么躬巴 業治己未秋被賊劫去令造軍器不從  
苦逼之遂縊於家

趙樹陽 職員浙次子年二十四有膽力咸豐己未  
冬李逆圍郡鄉人集團勦賊陽告奮督團戰於治北  
弔黃樓衝鋒陷陣力竭為賊所殺祀昭忠祠

李興順 湯世欽 梁光宗 朱琴齋 雷鳴潔

周洪順 李大順 楊品欽 陳大鳴 李鍾嶽

劉玉元 程增富 張午生 鍾興順 楊世洪

張正和 劉德綱 周洪發 文大順 以上十九

人均係黎湯鄉團民咸豐間堵勦李逆石逆陣亡

敘州府志

卷三十三

人士

矣

宜賓

潘占成 潘占廷 黃玉龍 陳紹陽 鄒占海

盧占春 趙定山 黃雲 劉占鰲 鄭廷

唐新春 李光志 黃廷珍 王成 曾順

章煥廷 李培新 王廷魁 萬洪順 董雲龍

朱長興 李成彪 劉廷彪 徐大順 陳三元

陳永太 張定山 周邦恆 以上共二十八人俱

咸豐九年李逆至在較場打仗陣亡

張大魁 陳正魁 黃占魁 俱在城外打仗陣亡

羅浩然 劉謙林 蔣定山 王廷彪 文烈士失名

張洪魁 均在營盤山八角寨等處打仗陣亡



楊長生 劉澍 均被擄不屈死

劉世富 袁銀匠 均守城中炮死

李蕃 舊下鄉人賊擾貢井往招撫被殺祀昭忠

祠

張培玉 宜賓文生以招安卯逆被殺以上舊稿

段自廉 李逆入境罵賊被殺

段自琨 李逆至被獲不從投水死

舒楚志 邑杜覽馬鄉人同治元年髮逆竄踞本鄉

楚志奮勇出勦先抵賊所中銃死楚軍隨後接應賊

大敗逃逸一鄉獲全並採冊

敘州府志 卷三十三

人士

堯

宜賓

陳元發 充雷波廳勇陣亡雷波志

敘馬營咸豐間出師各省陣亡兵丁

姜名魁 姜名高 馮映臣 陳紹宗 鄒正綱

黃耀廷 沈文勳 姚定山 蔡雲彪 楊占敖

伍坤崙 鄧貴 吳占奎 嚴光明 姜名揚

段萬林 孔超 聶慶高 廖占敖 劉玉璋

羅星貴 吳仕洪 吳大順 鄧光裕 曾占元

王仕榮 龔萬春 杜元魁 李廷賢 魏光謙

李榮魁 任學敏 蘇定川 包汝綬 羅仕忠

唐定山 何正超 蔣廷綱 曾廷彪 馬貴廷



羅超 高全 李聯陞 侯占元 袁春山

敘馬營咸豐間在敘州府屬堵勦滇匪陣亡兵丁

蕭貴 漆開華 劉登科 藍正元 謝玉龍

祝占魁 胡聯陞 郭占元 劉占元 劉貴

王和利 鄭王魁 吳廷選 戴成芳 李國正

黃定揚 吳廷揚 謝成恩 黃廷光 李洪春

嚴濟寬 嚴玉光 劉文星 謝永升 宋福興

張廷陞 吳應雄 黎占春 黎文愷以上新採據增

八角寨陣亡名山練丁

戴正春 李定國 何應莖 姚占春 王應元

敘州府志 卷三十三

人士

三

宜賓

張殿邦 葉安邦 鄭顯剛 鄭本寬 陳宗盛

王占超 黃殿邦 方國安新採附載

明劉琬 洪武時隱居不仕還金化盜操舟活溺其

子孫多貴顯者

李本雄 為諸生時例當陪貢應貢者文不入式本

雄代為懇請督學書興讓二字旌之太守旌其門曰

行已有恥己貢後北上遽歸曰余不能跼蹐視人眉

睫也終身不復謁選

彭蘭 字汝香明化治間人讀書通大義倜儻慷慨

慨鄉黨有平事不至官府願於蘭取決凡貧乏貧



穀帛不足償者每焚其券年九十府縣以鄉飲舉三  
辭而就其卒也閭里哀之邑人周惠誌其墓元孫明  
揚都督僉事六世孫珣康熙舉人

楊全 明拔貢敦倫循禮不樂仕進樊垣題其小

照云榮公之旌贈公之真魁梧蕭散宛如神人悠悠  
胸次難寫丹青飄然紫陌黃塵之外實為葛天無懷  
之民並縣志

李國柱 宜賓舉人參將李良柱之兄遭獻賊之亂  
避居珙山中自號羽仙讀書不輟以文翰自娛據通志隱

逸傳原入珙縣今移補於此

敘州府志

卷三十三

人士

七

宜賓

羽仙傳

羽仙者青山白雲人也孤介絕俗尚友羲皇

性嗜古兒童時即喜誦典墳印索之書年十八游郡  
庠勵志舉業雖三入闈而未遇然小試中亦往往得  
意不幸萍梗異域困窮落魄晏如也庚寅歲獲領鄉  
薦始得觀光上國尋遇變亂遂絕意進取入山惟恐  
不深矣雅好理學於克念罔念及朱陸異同未嘗不  
究心其間每有心得便閉戶自慰不與俗偶生平甯  
朴勿華甯拙勿巧止率其性之自然立身端謹存心  
平易於世路營逐之務藐焉弗屑日惟讀書論文飲  
酒賦詩而已故行年晬晬而精神甚健意致甚閒胸  
次甚空曠無懷葛天之民其殆斯乎嗟乎讀聖賢書  
所學何事雅意自好竟以逸終羽仙之志耶抑羽  
仙之時耶後人必有諒之者○從珙縣志採入

張朝相 性端直一塵不染耕田自樂鄉黨重之舉

鄉飲以疾辭壽九十六

以上縣志隱逸



宋司馬子己 溫公七世孫寓宜賓該通理學不事科舉以清白世其家詔補嘉定司戶參軍

黃庭堅 洪州分甯人紹興初以言事貶涪州別駕安置戎州庭堅不以介意蜀士多從之遊講學不輟

凡經指授下筆皆有可觀

並縣志

寄翠岩禪師

山谷青石牛自負萬鈞重八風吹得行處處是日用又將十六日去作宜州夢

苦憶新老人是我法梁棟作手斫方圓規矩一一中遙思靈源叟分座法席共聊持楚狂句往作天女供嶺上早梅香參軍

慚獨弄○新附

孫 鉉 眉州人徙居宜賓登第為博士靖康中條上守禦之策有詔褒美後金人慕其名檄取之不屈

敘州府志

卷三十三

人七

圭

宜賓

而死

明李乾德 字雨然西充人崇禎辛未進士官至尚書蜀亂寓居於敘遂終焉

宋世第 字雲仍富順人天啟間選貢仕至雲南彌勒州知州有政聲崇禎間致仕買宅宜賓杜門不出茹蔬讀書牆墉皆貼格言年七十八卒葬於赤崖山子孫遂家焉

阮振中 富順人崇禎時御史避獻賊亂移居宜賓

並縣志

以上縣志流寓



皇朝彭瑞毓 字子嘉湖北江夏人咸豐壬子傳臚詞章  
俊麗閒涉翰墨以才藻受

友宗知入直

南齋戊午典試山右遂留督學旋由侍御出爲雲南鹽道  
至蜀則滇池尙梗因留敘郡籌軍食且佐攻取方畧  
儼居城北葉氏祠築亭於後圃顏曰媚雲暇則與郡  
中文士相唱和有食戎州鮮龍眼秋暮登媚雲亭將  
之滇南留別戎城紳耆諸詩及解官歸路出敘郡阻  
水復留數月仍與諸文士詩酒唱酬及門邱晉成陳  
澧盧肇培釀金共梓其賜龍堂詩稿採王柏  
心文

敘州府志

卷三十三

八十

圭

宜賓

何明 字旭園湖北蘄州舉人以戎幕功選雲南  
廣通知縣因道梗僑寓敘郡縣令傅翼延之課子館  
於真武山鬱姑臺側性情坦易且豪飲然非其人則  
不與談每醉後披閱課藝運筆如飛而理法尤精當  
不差累黍詩近石湖散文駢文俱澤古極深凡有所  
作援筆立就著有葵藿齋詩文集在敘三載從遊日  
眾同治丁卯邑中獲雋者十餘人及門幾半焉及改  
官歸里人猶誦其教澤不衰云

唐大有 字瑞豐雲南大關廳人由鄉勇投効從征  
滇匪髮逆及川黔之號匪苗匪猺夷等屢獲勝仗積



功至記名提督統帶振武軍同治元年石逆竄入宜賓迴龍場與楚軍直搗堅巢生擒偽將軍杜本善龔興義等石逆敗竄入滇其功尤著九年事平裁撤勇丁寓居府城凡邑中添設救生紅船歲荒購米平糶及打偏窗子險灘先後共捐銀千兩

並舊稿

以上新增流寓

魏劉真人 武帝時隱山中得道自平蓋山駕鶴入建州

宋彥室 輿地紀勝云太平興國間相傳山有異人

紹興中王籍彥室嘗行山間遇道人歛語以腹枵告

敘州府志 卷三十三

人十

七

宜賓

歸道人笑以肘捫其腹者三彥室頓覺異常歸即辟穀踰年復夢見道人啖以棗呼之過溪彥室曰吾親在也乃止

元張法真 自幼好道術延祐間往龍虎山受錄得至人示以秘法既歸禳災診治疫疾捷如影響及卒鄉人立廟祀之有禱隨應

鬱姑 遇楊道人於師來山教以服仙茅之法後人名其處曰鬱姑臺出仙茅

楊真人 居師來山仙侶洞修煉

並縣志

以上縣志仙釋



慶符縣

明何振 字大成永樂甲辰進士任吏部考工司郎中勤慎嚴明不徇權勢以疾乞歸屢徵不就著有四書釋義正統八年入祀鄉賢祠

知縣張心至鄉賢何振贊

余聞之何氏譜曰三代兩封祖孫鄉賢然則公之褒

封母亦莫為之後雖盛弗傳歟雖然公立聖明之朝綱紀嚴密政治休明其卿大夫守廉隅其士君子遵王道非甚盛德孰能與於斯為覽其志乘日勤慎威嚴不徇權勢嗚呼可謂賢以繼賢矣○新附

何源 字星海天啟辛酉拔貢初授江南松江府

通判課最擢貴州貴陽府知府歷官湖南辰沅道貴州畢節督學道兼按察使湖南布政使湖廣巡撫晉

敘州府志

卷三十三

人七

七

慶符

總督兵部尚書都察院右都御史太子太保武英殿大學士仍留湖廣總督任獻賊入川難民逃入夷者悉贖歸令成室安堵

國朝定鼎遂隱居不仕

縣志通志任湖廣巡撫勤慎嚴明

祀湖廣名宦祠

按縣志原有楊爾明傳據統志作筠連人此刪

何淑 字珠海何源之弟崇禎丙子武舉才優武畧闖賊不法各省調兵奉旨補授貴州黔西大定總兵勤演兵卒上聞甚獎

以上縣志名臣



元何師寄 字肇明湖廣舉人入籍慶符何振之祖任

巴縣教諭以德行文學化導邑人以忠義孝弟教諭

子孫明洪武八年入祀鄉賢祠

知縣張心至鄉賢何師寄贊蓋聞教化隆則人才茂謂儒者不小就於一鄉

一邑之間非也天生蒸民培養在朝廷化導在師儒先生以德行文學率履茲土而陶鎔鼓鑄邑中人沐浴澤於今不衰此天以曲州之民寄先生也詩曰厥德不回以受方國先生有焉○新附

明郭 琮 永樂舉人任黃岡令以教化為先務決獄

最敏捷人恒稱之

嚴 秋 拔貢生初任湖廣荊州學正學博而善教

諸生多所成就秩滿遷陝西成縣令精明勤慎民心

敘州府志 卷三十三

人士

美

慶符

愛戴稱為神明父母

何方亨 字次長源之子崇禎中授馬湖新鎮廳同

知有才辨陞雲南安邊府知府時差務繁重至即革

去耗派民安樂利

解孔昭 拔貢生任貴州宣威州知州剔弊蠹重斯

文卓異陞大定府知府並縣志

國朝嚴履泰 字衷介貢生官鄂都縣訓導勸士力學一

以古聖賢為宗初鄂人以距省二千餘里入鄉試者

嘗少履泰多方成就贍其貧乏皆恤助之故科名彬

彬稱一時極盛焉通志



李華松 字大嶽雍正癸丑進士任浙江桐鄉知縣除錢糧漕米積弊定育嬰堂條規使羣兒飽煖其治獄尤精明仁恕邑人爲置長生位以誌恩及歿士民哀號以詩文弔挽者數百人生平好學不倦在里時成就後進無算母歿廬墓三年人咸稱孝遇旱捐資運米平糶全活甚眾其餘善行不勝次載子五合和舉人餘皆庠生孫曾列膠庠得科名至今不替兼採家傳

李合和 乾隆甲午舉人歷任直隸沙河滿城縣知縣後遷平陽縣決獄明察多出無辜繫囚解組日民焚香送之通志

敘州府志

卷三十三

人士

七

慶符

馮協桐 乾隆壬子舉人任福建將樂縣知縣政尚寬和民沾樂利聽訟能以理斷吏胥不敢進言蒞官六載墊賙民糧數百金及歸里士民焚香送祝之生平好善樂施親族鄉鄰多賴以全活子運熙歷任教職孫邦俊歲貢生曾孫宗棠廩生宗翰同治丁卯舉人宗岐諸生

樊肇新 道光丙申翰林任雲南浪穹縣知縣歷署霑益廣西蒙自等州縣俱著循聲爲大府所器重屢乞歸不許尋藉差旋里親族鄉鄰多所周卹並多義舉子宗儒同知職銜並縣志



以上縣志官業

胡錫祐 字心齋行恭長子生平善事父母友愛兄弟自讀書外無他嗜咸豐戊午舉於鄉值滇匪擾境以辦團防勦出力屢保知縣同知光緒庚辰成進士選庶常改高密知縣兼攝平度州居官清慎自守免漏稅數千金清積案數百件情法兩得其平士民頌之高密向無試院捐廉二千緡創建三書院頽敗捐千金重修之又捐千金添濟孤貧勒石垂遠東省河決兩次賑濟全活甚眾辛卯乙酉分校鄉闈得十餘人皆山左知名士也性耿介實平易近人兩弟錫綬

敘州府志

卷三十三

人士

夫

慶符

錫彬課之學俱有成子三人次游庠

新採

明何密 明末舉人精天文推算無差其教子孫少時讀書成即習理數於崇禎間赴京會試遇變未歸其後人入宛平籍

右一人縣志理學按何密前原有何振何察兩傳以前後複出刪

國朝何映灃 字沛九歲貢生言行簡重文學兼優家貧設館養親從者多成就康熙壬寅督學廖賡謨旌其門日儲材博士太守周元勳題其宅曰樹幟文壇迄

今子孫尚守書香

並縣志



右一人縣志文苑按何映霞前原有何漢臣傳今  
并入隱逸內

明李成 邑人萬歷間從征九絲蠻至南廣舟覆其

尸逆流至來復渡龍牀窩里人視之面目如生葬於

南岸屢顯靈異當路者上其事於朝勅封羽化將軍

萬歷二十四年建廟祀之

據通志增

何察 明末甲申之變殉難縣志勝朝殉節諸臣錄

何察崇禎十七年賊陷城自縊死子五歲拊棺痛號

不食卒乾隆四十一年

子入忠義祠

敘州府志 卷三十三

人士

堯

慶符

何先甲撰伯父明甫公盡節記獻逆亂蜀時適有從

明位矣邑生何先甲傳言於伯父明甫曰明社瓦矣

賊又將來生乎死乎曰死逃可免乎曰不致知吾計

決矣吾死爾逃賊來吾子姪其覆亡之不暇惟是挈

而幼稚避而險夷以留禮祀於我祖宗庶復出而享

太平之世也吾家受國恩三百年若天心厭亂力誠

不能自支行將結草啣環雖死不吝於是聚族人誓

曰凡我兄弟子姪有能與難者不可不與難而逃以

存宗嗣者亦可若倉猝難持而與殘忍者為徒死不

可與吾見言畢自縊於家其子即殉死弟貢生何寶

何忠臣文

臣節已苦矣辛巳初夏余從家君司鐸慶

也公諱察字明甫姪先甲記

乎不可磨滅者公之忠義為之

忠義邑士大夫於所居之宅祀之其精神意氣懷懷

申歲秋七月盡節焉我朝大定至順治八年崇封

懷宗時擢庚午選貢明年赴京以理學達於朝至甲

何察歸家伏案讀書詈賊而亡蓋服公之訓也公在

姪廩生何先知先覺等凡十餘人俱引領待死廩生

何察時擢庚午選貢明年赴京以理學達於朝至甲

也公諱察字明甫姪先甲記

大足翰林劉天成弔



邑父老指言於余曰此何忠臣故墟也世受褒封明季鼎沸矢死以聞噫死而有知瞑目幾何吾聞李賊之篡明位也窺大寶竊神器翦焉傾覆虎視眈眈獻賊入蜀戎馬分道萬里朱殷當此蝸蟻沸羹之會夫亦行自傷矣先民有言曰生而為英死而為靈大丈夫戴高履厚誠使精英慰藉雖百世猶想像之特以仰視忠臣舍身苦節為可寒心者思一室胡戴之意合九廟之炎涼荒蕪而痛哭以臨是故聰明正直之靈昔日之脚恩撫躬也舉天涯之七鬯震驚而慘但以對是故取精用宏之靈昔日之憂愁幽思也舉一身之膽膽塗地而慷慨以趨是故焄蒿悽慘之靈昔日之披肝裂膽也觸類而思時復慨然意天地之為之震怒鬼神為之飲血也今試登吉慶而望之悠悠祥水意者其磨厲之區乎磊磊慶山意者其洒淚之處乎峯回路轉有塔翼然臨於三台者意者其登眺北關俯伏報恩之所乎百年來仕宦優游礪帶常新何人之云亡風檄怵目眉峯云三分詎雪孤臣淚一死猶驚百鳥唬逢掖之士有過斯土而臨斯墟者當思古人鞠躬盡瘁身死社稷憑今弔古之懷其有不感激而悲耶余古昌人也回首故都會收餘燼言念

敘州府志

卷三十三

人士

全

慶符

此情感慨係之想何忠臣在天之靈當亦默鑒余心也是時也泣下操觚願影徬徨但覺悲風四起云知縣張心至忠義何察贊自古忠臣義士貫金石而志想見公之為人及至公之廟俎豆森嚴歲時不替何精誠之不可磨滅歟夫固有以致之也當明季鼎沸獻逆亂蜀流毒滋甚矣公之慨然矢死者百餘年忠義凜烈豈非死重於泰山哉推斯志也雖與日月爭光可也  
○新附

何 案 邑廩生明末蜀亂閉戶讀書賊至不屈罵不絕口被殺縣志

張祖周 邑人聞賊至語友人曰百年有盡何貪生為遂起投純潭死事在蜀碧縣志舊通志苦志力學獻

賊陷蜀語其友曰百年有盡何貪生為遂赴潭水死



勝朝殉節諸臣錄慶符人有學行乾隆四十一年

予入忠義祠附新

國朝嚴敦典 甲申之變民遭兵革骸骨遍野敦典捐貲

斂葬以數千百計

許 曾 貢生嘗於圓通寺外拾遺金一封隨取紅

石書某地某人在此拾遺金一封於道旁馬桑木失

金者至即與之欲分半以謝不受

龔美吉 生平好善樂施治東後溪舊有橋廢行人

苦之乾隆三十一年獨力重修知縣胡來宣表其門

曰一鄉善士

敘州府志 卷三十三

人士

全

慶符

嚴士洪 字裕菴邑貢生乾隆五十九年輸田地一

分入學校縣令時畏天表其宅曰崇文重本並縣志

梁明遠 監生捐田地為書院膏火通志

單明揚 邑庠生純樸自矢乾隆年間改修文廟督

工贊襄廟成資志以歿

嚴日明 賦性誠篤家政謹嚴每值旱荒必捐貲濟

人宅畔產荔支最佳每結實時取以供 聖廟邊實

邑令柯枝澍嘗書扁贊之子美中履中孫勤修劬修

俱諸生

潘鴻遠 邑庠生嘉慶十年因公溺斃縣令何應駒



題其墓曰義著西江

嚴大訓 邑州同捐貲置買糧田永作 文廟焚獻

邑令李大經題其門曰德垂後裔並縣志

以上縣志忠義

明周昭宣 父病危割股救之即愈入祀忠孝祠見通

志

何孝子 察之子失名其父殉難時孝子方五歲拊

棺號痛不食而死載省志入祀忠孝祠

知縣張心至何孝子贊綱常名教之苦節得之烈士者易而得之孺子者難觀於

明未故帙竊嘆何孝子之孩提殉父也雖然孝子豈以是為苦節地哉夫以二尺之軀撫先靈之逝五日

敘州府志卷三十三

人士

全

慶符

內不旋踵而以死孝特聞蓋孝子不自知而近古以來未之有也君子曰何忠臣之世德作求也○新附

嚴元春 字善長恩貢生任浙江東陽縣丞父履泰

卒廬墓三年每值冥誕涕泣如故生平好善樂施培

植文教子士洪貢生克承厥志孫大文庠生大勳貢

生大訓州同大循大增大新俱諸生

張官杰 母病家貧無藥割股以進越三日母病全

愈年八十終

李明原 邑庠生父華松雍正十三年為桐鄉令染

病甚劇明原嘗糞以辨吉凶

何允中 邑庠生父萃早故允中教兩弟勤學俱入



邑庠及兩弟成家求分田宅堅不許云此時正須力學上進不必營情產業兩弟感其友愛卒同居

何綽 字裕如國學生父允中歿能體父志教兩弟級綱成立至晚年兩弟求分家宅命兩弟將田地擇分餘爲己有又率族人重修忠孝祠度用不敷多自捐出

胥會 乾隆三年其父連魁病劇日夜憂急焚香籲天忽神投一方服之立瘥越數月父疾又作遂割股以進竟復愈知縣楊元理贈以純孝格神四字

何鼎來 字一匡邑廩生其父早逝其母楊氏年八十每日訓課畢卽至母所侍奉教授生徒先嚴德行化導成名者甚眾捐資修建忠孝祠子德輝貢生孫鍾英諸生

敘州府志

卷三十三

人士

全

慶符

馮潭恩 少孤奉祖珂鳴及母張氏曲盡孝道祖九十六終母八十四終哀毀逾常且篤友于之愛與其弟湛恩同任成屬教官同時解組俱享年八十四何多友 字樂賢邑貢生生平教家以孝友教鄉里以媿睦無疾言遽色增修書院捐貲濟人母嚴氏早逝事繼母樊氏孝敬不衰弟多助早喪撫孤姪金怡成立教以義方子金符訓導金涵孫國佐國任俱諸



生太守淡士灝題其門曰齒德俱尊

嚴廣照 少失怙恃養於祖父母其祖父元談逝家無擔石子立煢煢奉祖母陳教克自樹立及陳晚年三十餘載未嘗稍離出入必稟陳祖母終廣照盡哀逾禮廬墓三年不與家人接年七十餘遇陳誕忌日常涕泣如故又鄰婦瞿氏夫遠出不歸氏清貧苦守廣照求祖母陳時周濟之鄰里悅服生四子皆森然特立人以爲孝義之報

李壽山 字靜堂邑貢生爲人篤實忠厚好施與修書院培文教事孀母嚴氏至孝教弟衡山成名人稱

敘州府志

卷三十三

人士

舍

慶符

孝友子元莊貢生

何多功 字成一監生賦性孝友和順母嚴氏早逝事繼母樊氏極孝敬二兄早卒訓弟姪有方撫孤姪成名五世同堂嘗自建館舍延師教鄉族子弟培植甚眾

嚴日訓 字簡在邑庠生天性純樸恪承先志設館養親人稱孝友子之倫增生孫汝修貢生

黃邦信 邑庠生母嚴氏病劇服藥不效信割股奉母卽愈

何多箴 事孀母冉氏最孝母病時祈神減己年以



增母壽母歿後盡禮盡哀廬墓三年

羅從景 父病將危服藥不效割股和藥以進父病即愈

何鼎貴 母郭氏病將危調治不愈遂割股和藥以進母病即愈

呂韶賦 邑庠生賦性誠篤遭父母喪不飲酒不苟葷髮不下者三年邑人咸欽之

何鍾貞 嘉慶四年冬母惠氏病危貞聞人言割股可救遂自割股以進母病果愈

何多忠 嘉慶五年春母冉氏病劇時忠年十七衣敘州府志 卷三十三 人士 慶符

不解帶者數月尋割左股以進母病即愈

楊發禮 事母李氏以順家赤貧爲人傭作以供甘旨嘉慶五年母病危割股以進獲愈

嚴成功 年十八父卒事母孝教弟顯功成名生平良和順謹飭聞於鄉里邑令時畏天旌其門曰孝友善

胡治南 處士幼家計尙艱獨經營令兩弟專心肄業以慰親心甘旨之奉未嘗稍缺尋兩弟俱成名淑南歷任教授溢南諸生析爨後仍日給米鹽不計彼此冠婚喪及諸姪學資遊泮等費俱力任之孫錫祐



庚辰庶吉士高密知縣

胡行恭 字允升貢生生平勤儉孝友樂善不倦凡施棺藥修橋路諸義舉無不竭力爲之族人無無力婚嫁及貧不能葬者必資助之處鄉黨極和藹年八十餘卒子三錫祜庚辰進士高密知縣另有傳錫彬廩生錫綬府試案首旋卒

新採

馮世熙 字守田候選從九幼時家計維艱棄學經營俾弟得讀書成名後其父協桐選授福建知縣年已七十侍奉備極小心田產銀錢任弟所欲不與計較父歿哀毀逾常廬墓三年未嘗足履城市鄉人咸

敘州府志

卷三十三

人士

全

慶符

稱其孝友卒年九十有七孫宗翰丁卯舉人至今書香世守

顧志熹 邑庠生性孝友咸豐初父銘以孝廉選授鎮洋令卒於京寓訃聞哀痛欲絕因獨力籌畫積累年舌耕之餘徒步赴京於同治七年負骨歸葬因受道塗之苦逾二年以病卒

王廷彪 武生童年值母病危割股和藥以進病尋愈

楊文浩 處士值母病危割股和藥以進病尋愈  
以上縣志孝友



汪玉龍 咸豐十年正月滇邊匪徒並夷逆竄擾筠連裹糧赴援戰歿於木印壩地方

盧明輝 盧明善 何國德 以上三人救援長甯陣亡

黃定山 由武生保舉外委署樂來汛額外同治二年堵截滇逆陣亡於汎屬之羅鍋村事 聞給雲騎尉世職

曾允升 監生同治元年五月在羅洗塘堵禦髮逆陣亡

施濟普 咸豐九年在雙河場堵禦李逆餘匪陣亡

敘州府志

卷三十三

人士

全

慶符

施映宗 隨父濟普禦賊見父被害奮勇殺賊力竭陣亡

趙銀慶 黃元照 嚴文星 以上三人在雙河場陣亡

李中元 丁大順 李玉明 龔同一 周德順

王國安 闕洪順 以上七人係咸豐九年在敘郡走馬街接仗陣亡

王喜生 咸豐九年在弔黃樓接仗陣亡

廖德順 咸豐九年在敘郡較場壩接仗陣亡

邱二龍 咸豐十年在筠連木印壩陣亡



謝福壽 咸豐十一年追剿夷匪被炮轟傷陣亡

鄧秉忠 羅九思 戴二興 向義盛 張冬叫

唐致發 李代洲 以上七人咸豐十一年追剿滇

逆陣亡

陳文統 陳忠和 黃月盛 以上三人咸豐十一

年在沙河驛陣亡

羅國柱 李正川 周文順 王占洪 以上四人

同治元年在筠連石龍廟堵禦何逆陣亡

李甘範 黃元洪 龍雲飛 黃元香 鄒二卯

李元清 陳元叫 李長恆 李順紀 蔣占奇

敘州府志

卷三十三

人士

全

慶符

盧明全 薛慶松 田世洪 王正順 周顯林

以上十五人同治元年張逆之亂援長甯奮勇解圍

陣亡

郭方順 彭茂泰 蕭茂盛 馮士孟 郭餘齡

鄭芝秀 歐義順 楊玉清 馮元科 鄧世明

陳清池 吳正川 何其選 胡仕順 李金安

朱秀欽 鄭大泉 李璧翠 朱聯興 陳世品

曾四慶 龍洪順 譚世釗 曾興智 胡世喜

郭清 廉自仁 趙華山 廖元明 劉正華

李宣揚 李炳才 賈永田 張九富 蔣成才



程元燦 以上三十六人同治元年在長甯羅洗塘陣亡

張四洪 梁文福 張廷和 陳世富 以上四人同治元年在宜賓橫江陣亡

劉朝臣 張九純 魏卯呬 以上三人同治元年在宜賓雙龍場陣亡

姚喜元 咸豐九年李逆入境被執大罵不屈賊殺之

陳聯愷 陳再興 李道揚 歐猷清 徐善匠  
簡沛 簡源 簡勳 廖樹蓮 江淮范

敘州府志

卷三十三

人士

九

慶符

廖勳第 趙錫坤 趙錫珍 趙福祖 劉染匠

鄧良鈿 以上十六人同治八年陣亡

周承熙 同治八年在黔省都勻府督帶幹字營與賊打仗於上八寨陣亡

以上縣志陣亡義民

何漢臣 振之孫由歲貢廷試舉博學鴻詞赴京時

過楚遇狀元楊慎於途同作喜雨詩楊服之至都掄揚漢臣以為恥隱居不仕禮部屢檄訪之遂入峩眉

山削髮以示難用年五十入山至八十三卒在山著忠孝立身謹言慎行諸論遭賊焚毀無存

舊縣志通志



慶符人隱居峩眉山著述甚富

以上縣志隱逸

何師齊 湖廣孝廉師寄之弟任高縣知縣清廉勤慎撫字有方解組後不能歸里弟兄同入籍慶符今子孫尚守書香

李喬 湖廣麻城人以貢生官於蜀爲省祭禋躬率物正直不阿卜居慶符今子孫守其世澤

嚴袞 湖廣麻城人以孝廉官慶符教諭整躬飭士規矩先民遂居慶符今子孫書香不替

馮主睿 陝西雒南武舉歷任江蘇總兵明季勦賊

敘州府志 卷三十三

人士

卒

慶符

於蜀因老告休由渝遷戎家於邑之南岸壩

國朝陳我聖 貴州綏陽拔貢任慶符縣教諭遂家焉

劉奇榮 湖南桂陽州人僑寓慶符遂家焉言行不苟正直謙和有古人風迄今子孫蕃衍

以上縣志流寓

明恢 明 邑下古鎮殘碑畧云禪師恢明號道安前請譯念佛數載持戒有年次投本邑饅頭寺鑄有頂投臨濟香火領戒律諸經給十萬八千四十八願之香其餘字磨滅不可記後書萬曆八年月日記大寶寺僧石柱贈以詩有笑指松篁屬道安之句



國朝啞子和尙 原籍宜賓人自幼不能言語披剃於邑之替仙洞卓錫鯉魚寺數年忽一日在殿外跌於地口吐血泡大如雞卵遂能言竟通元妙詢楞嚴法華無不通曉後至八十趺坐而化

治海 治西天甯寺僧康熙中修補寺宅斷一指日夜募化人常見有虎隨行工竣若狂嘗坐禪於南岸白塔中歷寒暑風雨皆不避後跌化於天甯寺有人於途間遇之僧云欲到峩山後語人曰爲我語吾徒云鑰匙在某處比至僧已死三日矣其徒爲塑泥像以其所斷指接之於手至今百餘年皆不朽

敘州府志

卷三十三

人士

五

慶符

昇聞 號圓德乾隆己卯卓錫唐家廟爲大眾竭力修堰以灌田畝不求布施前後修建寺觀廟宇甚多時論高之

並縣志

以上縣志仙釋

